

宋

會

要

此條移後

鹵簿雜錄

旗

案稿本與輦旗物制與鹵簿法駕並列互引疑當時誤注二簿錄名今仍其舊案類刪繁總題為鹵簿雜錄

建隆四年太祖又詔別造五龍旗五南郊用之

鹵簿法駕中有甘露旗

建隆四年將郊祀禮儀使陶穀建議取天文列星之象作十二辰旗

建隆四年太祖詔別造金鳳旗一南郊用之

建隆四年太祖詔別造金鸞旗南郊用之

建隆四年太祖詔別造天神旗六

建隆四年太祖詔別造萬歲旗一南郊用之其制赤質

有力士旗五

有吏兵旗五

四年太祖又詔別造獅子旗二南郊用之

四年時有貢黃鸚鵡白兔及馴象自後又作金鸚鵡等旗

元符二年制祥光旗見寶符旗下

元符二年制重輪旗見寶符旗下

國簿法駕步甲後隊中有瑞麥旗

元符二年八月三日兵部侍郎黃裳言南郊大駕諸旗名物除用典故制號外餘因時事取名伏見近者璽授元符茅山之上日有重輪太上老君眉間發紅光武夷君廟有仙鶴臣請制為旗號曰寶符重輪曰祥光曰瑞鶴從之

政和四年十二月二十九日詔製日有戴承旗是年二月月日上生青赤黃戴氣後日下生青赤黃承旗故詔加此旗先是大觀中二月日有戴承氣遂作日有戴承旗政和四年十二月二十九日詔製芝禾並秀旗先是大觀三年九月西京潁陽縣大慶觀聖祖殿東有嘉禾芝草並生其嘉禾一本四穗芝草葉圓而重起故詔加此旗

政和六年十二月三十日詔製瑞鶴旗先是元符二年武夷君廟有仙鶴迎詔又政和二年延福宮燕輔臣有羣鶴自西北來盤旋於睿謨殿徽宗又奏大晟樂而翔鶴屢至因加此旗

輿重旗物制度上五牛旗依方色皆小輿上刻木為牛
皆插旗錯采為牛旗竿上有小盤盤衣及輿衣亦竝綉
牛形輿士各四人服綉五色牛衣太祖詔用之

輿輦旗物制度上建隆四年太祖又詔別造天下旗一
旗一南郊用之赤質

鹵簿法駕步甲前隊中亦有玉馬旗
鹵簿法駕步甲前隊中亦有駃騠旗

亦有騶牙旗

亦有黃鹿旗

鹵簿法駕步甲前隊中亦有鷩鷩旗

鹵簿法駕步甲前隊中有馴象旗

鹵簿法駕步
甲後隊中有瑞
雲旗移此

鹵簿法駕步甲後隊中有龍馬旗

亦有小黃龍負圓旗

鹵簿法駕步甲後隊中有白狼旗

亦有兕旗

鹵簿法駕步甲後隊中亦有之

鹵簿法駕後部馬隊中有角端旗

宋亦有之飛黃旗

鹵簿法駕後部馬隊中有馴犀旗

鹵簿法駕真武隊中有騰蛇旗

鹵簿法駕真武隊中有仙童旗

鹵簿法駕六軍儀仗中亦有赤豹旗

鹵簿法駕
中有甘露旗
移此

鹵簿法駕六軍儀仗中有左右羽林軍旗

鹵簿法駕六軍儀仗中有左右龍武軍旗

鹵簿法駕六軍儀仗中有神武軍旗

鹵簿法駕六軍儀仗中有本軍旗

鹵簿法駕六引中道中有轉光小緋旗

鹵簿法駕中亦有吉利旗

鹵簿法駕中有莖文旗

有五方鳳旗

亦有鵠鵠旗

亦有飛麟旗

亦有三角獸旗

鹵簿法駕中有龍墀旗

鹵簿法駕中有花鳳旗

鹵簿法駕中有麋旗

鹵簿法駕中有貓牛旗

鹵簿法駕中有族輦龍旗

鹵簿法駕中有皂纛旗

鹵簿法駕中有網子旗

鹵簿法駕中有開導旗

鹵簿法駕有引駕旗

全唐文

宋會要 蓋

鹵簿法駕中有華蓋

與華旗物制度上有花蓋導蓋皆赤質如繖而同氎水
繡花龍又有曲蓋差小繡瑞草王公以下用之又云鹵
簿法駕中有曲蓋

與華旗物制度上今有花蓋導蓋皆赤質如繖而圓氎
水繡花龍

鹵簿法駕中有曲蓋

宋會要 旂

南簿左建太常右龍旂

全唐文

宋會要 髦

鹵簿法駕中有青繡孔雀五角髦
鹵簿法駕中有白繡鵝四角髦

青龍幢

白虎幢

宋會要 幢

國簿法駕中幢制如節而五層軸以紫緇四神隨方色
朱漆柄取曲禮行前朱雀而後玄武左青龍而右白虎
之義也

宋會要

國簿法駕中有白虎幢

全唐文

宋會要

鉅

唐書法駕中有交龍鉅

詳簿

角

宋會要金吾大角

因簿法駕中有金吾大角

弩

全唐文

宋會要 中鳴

國簿法駕中有中鳴

宋會要 檠弩

輿輦旗物制度上檠弩其制每弩加箭二有敕畫雲氣
弓箭每弓加箭二有敕同檠弩 仗內弩皆同

輿輦旗物制度上容本容刀也以木為之無稍有環紫
絲條紛錯

輿輦旗物制度上御刀晉宋以來有之黑稍金花銀飾
靶厄紫絲條紛錯

輿輦旗物制度上儀刀制同御刀悉以銀飾王公亦給
之國簿法駕中有儀刀

宋會要 金部

國簿法駕中有金部

盾

全唐文

宋會要 總敘

盾音排也

宋會要 朱勝終盾

朱勝終盾制悉同盾 惟綠勝綠質

皆持執之

宋會要 棒

柯舒黑漆棒也制同車輻以金銅釘飾

宋會要

雜令

班劍本漢朝服帶劍晉以木代之亦曰象劍取裝飾班
闌之義稍以黃質紫班文金銅紫絲條帟鍔又鹵簿法
駕中有班劍

全唐文

宋會要 車馬象

輿輦旗物上象漢國降殿在前晉平吳後南越獻馴象
作大車駕之以載黃門鼓吹數十人使越人騎之以試
橋梁國朝國降以象居先設木蓮花座金蕉盤紫羅綉
襦絡腦畫眉後轍並設銅鈴杏葉紅犂牛尾拂跋塵每
象南越軍一人跨其上四人引並花腳幘頭緋綉窄衣
銀帶太平興國六年九月二十日兩柱養象所奏詔以
象十頭於南郊日引駕檢開寶九年以南郊時其象止
在六引前列詔鹵簿使領其事

宋會要

鼓吹

國朝鹵簿大駕六引官開封令無鼓吹開封牧二十三
人桐鼓金鉦各一大鼓十鏡鼓一蕭茄大橫吹各二笛
及蕭簫篳篥及茄各一大常卿同上司徒六十四人桐鼓
金鉦各一大鼓長鳴各十六鏡鼓一蕭茄大鼓吹各四
節鼓一笛及蕭簫篳篥及茄各四御史大夫兵部尚書並
同開封牧其大駕前部千六十四人鼓吹令二員府吏
四主帥八桐鼓金鉦各十二主帥二十長鳴一百二十
主帥四鏡鼓十二歌拱宸管或以簫篳篥充蕭茄各二十
四主帥十大橫吹百二十節^鼓二笛蕭簫篳篥茄桃皮簫篳
各二十四主帥四桐鼓金鉦各十二主帥十小鼓中

鳴各百二十主帥四羽葆鼓十二歌拱宸管絃以笛充
簫茄各二十四後部四百八十人鼓吹丞二員典事四
主帥四羽葆鼓十二歌拱宸管絃以簫篳篥各二十
四主帥二茄二十四主帥四鈺鼓十二歌拱宸管以笛
充簫茄二十四主帥八小橫吹百二十笛簫篳篥桃皮
篳篥各二十四若親祠典駕出宮則宣德門太廟南郊
警場千百一十六人鼓吹令丞各二員職掌四府典史
八都知一院官錄事二歌簫篳篥共百八金鈺二十四
奏嚴鼓鳴角大橫吹小橫吹各百二十歌笛各九十六
節鼓三茄百四十四簫篳九十六桃皮簫篳四十八通
主轄人共千二百七十五凡大駕鼓吹通五引用二千

五百三十法駕三分損一用二引開封牧御史大夫各
十六工小駕八百一十六工初太祖受命承五代之後
損省浮長而鼓吹局工多闕每舉大禮一切取於軍隸
以足之至一品以下應給者亦取於營隸後遂為常大
禮車駕宿齋所止夜設警場每奏先作金鉦四次大角
四次金鉦二十四次大角鼓百二十次橫吹等作一曲
如是者三疊謂之一奏三奏_少止五分其夜而奏之乘
輿至青城祀前一日御闕門觀嚴警亦勞賜烏若巡幸
則夜奏於行宮前人數減於大禮用八百八十八人真宗
祥符中親饗宗廟登歌始作聞外奏嚴因詔當郊廟行
禮嚴警宜權止須禮畢聽作神宗熙寧初親郊罷青

城關門臨觀先是角工不足常取於州郡及營兵以充
 祥符中命籍兵二百餘工使長隸太常以閱習焉凡大
 樂充庭則鼓吹局設熊熊十二案於宮縣之外率一案
 用十二工龍鳳鼓一全舞一羽葆鼓一敔二三鼙工而二
 凡大角三曲警嚴用之大梅花小^梅花可汗鼓吹五曲
 御製奉禋歌舊曲六州十二時導引降仙臺真宗奉
 真聖亦設儀衛缺別有導引二曲也其餘大小鼓橫吹
 曲悉不傳唐末大亂舊聲皆盡國朝惟大角傳三曲而
 已其鼓吹四曲悉用教坊新聲車駕出入奏導引及降
 仙臺警嚴奏六州十二時皆隨月用宮仁宗既定雅樂
 并及鼓吹且謂警嚴一奏不應再用其曲親製奉禋歌

以備三疊又詔舄冠卿李照造辭以配聲下本局歌之
是年郊祀遂用烏皇祐親饗明堂製御製合宮歌熙寧親
郊導引還青城增降社臺曲 太祖建隆四年九月五
日詔開封府選樂工八百三十人隸太常以習鼓吹十
一月五日南郊鹵簿使張昭言准舊儀鑾駕將出宮入
廟赴南郊齋宿皆有夜警晨嚴之制唐憲宗親郊時禮
儀使高郢奏稱據鼓吹局中齋宿夜奏嚴是夜警恐與
捉鼓版奏三嚴事不同況其時不作樂縣不鳴鼓吹務
要清潔其致齋夜奏四嚴請不行詳酌典禮奏嚴之儀
本緣警備事理與作樂全殊况齋宿之夜千乘萬騎宿
於儀仗之中苟無鼓漏之徵巡何警衆多之耳目望依

舊禮施行從之 乾德六年十月二十七日判太常寺
和峴言郊祀有夜警晨嚴六州十二時及鼓吹迴仗時
駕前導引三曲見劉樂章望差官撰進下時詩教習應奉
詔諸樂章令峴修撰教習供應真宗景德三年八月五
日詔太常鼓吹局見用三調六曲詞非雅麗令太常寺
會音律人就學士院令晁迥以下依譜修正詞理降下
本局教習大中祥符元年六月六日詳定所言鼓吹舊
用六州十二時曲將來導引封禪請下學士院增損舊
詞付本局教習從之二十一日太常寺言舊制南郊警
場人並於大駕儀仗內分充車駕巡幸即於府縣追集
樂工將來在路警場欲望令法駕鼓吹軍士分番祇應

詔選天武神衛神勇虎翼軍士充十月十六日詔登山
夜暫罷警場 五年閏十月二十五日詔太常寺選角
手二人於殿前司教軍士警場隸太常寺舊例行大禮
皆於近州名鼓角匠大約皆貧民動有勞費至是罷之
七年二月十四日詔曰朕虔脩祀典祇禱靈禧對越祖
宗肆賴天地禋誠明之上達必致懷而內增尚念齋居
每存嚴警當牲帛之躬薦乃金鼓而交音詢訪攸司雖
云舊典勵精予志慮未協宜將表克恭宜頒新令今後
赴玉清昭應宮太廟俟行禮畢歸帷殿郊壇俟禮畢即
警場奏嚴鼓吹音樂並振作仍令所司着為永制 仁
宗天聖八年五月六日詔諸路轉運司抽選兩河守兵

士并立充武嚴指揮隸太常寺 九年四月十一日詔
天武鳴角手自來止有節級二人部轄令立武嚴指揮
已差指揮使正副都頭十將將虞候承局押官等向去
有聞即揀精習鳴角長行送步軍司以次補填兵士如
有年老疾患不堪祇應即依例放傳却於本指揮內選
鳴角精習子弟送步軍司充填闕額如有儀仗不用鼓
角處止以武嚴兵士貼本處樂工祇應如人數少牒步
軍司差諸軍會樂藝人祇應合要論轉馬牒郡牧司文借
皇祐二年八月一日帝諭輔臣曰明堂直端門而致
蘇於內奏嚴於外恐失靜恭之意應下太常禮院議而
警場本古之所謂夜戒守鼓者也故王者印施行吉行皆

用之今乘輿宿齋其儀衛本緣祀事則警場亦因以警
警衆非徒取觀聽之盛恐不可廢若以奏嚴之音去明
堂近則請列於宣德門百步之外俟行禮時罷奏一嚴
亦足以稱虔恭祀事之意帝復謂輔臣曰既不可廢則
祀前一日過於接神宜罷之 徽宗政和七年三月一
日議禮局奏曰古者王師克捷必奏愷所以耀武事旌
勲伐昔黃帝涿鹿有功命岐伯作愷樂以勸士諷敵故
其曲有靈菱競鵬鴉爭石墜崖壯士怒之名周官王師
大獻則令奏愷樂樂師凡軍大獻則教愷歌漢有朱鷺
等十八曲魏晉而下莫不沿尚皆謂銳歌鼓吹曲各賜
其名以紀功烈今所設鼓吹惟備警衛而已未有銳歌

之曲非所以彰休德而揚偉績也乞詔儒臣討論撰述
因事命名審協聲律播之鼓吹俾工師習之凡王師大
獻則令鼓吹具奏以聳羣聽從之十二月二十九日詔
六州改名崇明祀十二時改名稱吉禮導引改名熙事
備成六引內者備而不足大禮車駕宿齋所止夜設警
場用一千二百七十五人奏嚴用金鉦大角大鼓樂用
大小橫吹篳篥簫茄笛歌六州十二時每更三奏之
高宗紹興十三年五月六日太常寺言將來郊祀大禮
排設大駕鹵簿儀仗并六引共用鼓吹八百八十四人
內鼓吹令丞二人昨在京本寺自有令丞如闕以次充
攝目令並闕人又府史典史各四人舊係本寺人吏充

攝緣人吏將來並充贊者等以上乞並差殿司指揮使
以上充又指揮使二人舊係殿前司差換又帥兵官四
十六人舊係殿前馬步三司差受宣人充今乞並令逐
司依舊歌色四十八人金鉦十七人柷鼓十七人大鼓
一百一十人小鼓六十人長鳴六十人中鳴六十人鏡
鼓十七人拱宸管三十六人羽葆鼓十二人鼙二十
九人桃皮箏篋二十四人茄八十七人大橫吹七十人
小橫吹六十人簫八十七人笛二十九人鼙鼓一名已
上舊係差本寺鼓吹局樂工一百餘人不足並於逐司
貼差雜攢樂人充今鼓吹令局樂工即日並開其前用
合用人數並乞令逐司依名色人數下諸軍及將下剋

刷稍諸樂藝之人從之先是太常寺言大駕鹵簿內鼓吹前後部用執色樂工等一千五百餘人盡在仗內導駕夜在警場奏嚴舊制本寺有鼓吹局置令丞錄事院官局長引樂官色長引樂人共一百十九人為額遇大禮用本局人餘不足係借差殿前馬步三司雜擯樂人等先以鼓吹令丞以下教習腔詞樂藝前連後次陳棧排立次序奏嚴節次時鼓吹局闕人至是申明詔上令訪募舊大晟府及本局三五人教習餘合用鼓吹人數並下三司差撥十月十六日太常寺言郊祀大禮前一日車駕詣太廟齋宿依儀於樞星門裏排設嚴更警場奏嚴切慮地步窄狹難已排設乞移於樞星門外從

之先是在京師設嚴更警場用奏嚴鼓一百二十四面
金鉦二十四面鳴角一百二十隻時止用鼓角各六十
金鉦二十並差用殿前司中軍人物三十二年五月
十三日禮部太常寺言將來明堂大禮依典各有司陳
法駕國簿擬郊祀大禮人數三分減一內鼓吹係用八
百八十四人若三分減一外合用五百八十八人內令
丞四人府典吏官轄指揮使帥兵官歌蕭箏箏笛拱
宸管大小橫吹節鼓四百三十八人金鉦柷鼓羽葆鼓
大小鼓中長鳴一百四十六人欲依例於殿前馬步三
司分差諸軍雜攢樂人充攝祇應從之 紹興三十二
年孝宗未改元六月二十日禮部太常寺言皇帝登寶

位車駕詣太廟別廟親行朝饗之禮合用鼓吹係儀仗
內排設導引祇應合用鼓吹二百三十六人本寺見管
令丞三人外其餘乞下殿前馬步三司差撥雜樂人
其合服者執色樂器乞下祇候庫揀選使用其所差借
人係是城外諸軍營寨合前期赴寺閱習排列導引次
序儀範從之 八月十日禮部太常寺言將來奉上太
上皇帝太上皇后尊號冊寶依禮例合用鼓吹乞差二
百三十六人除令丞三人外其餘人下殿前馬步三司
差撥各人係前期赴寺閱習排列導引儀範隨儀仗習
儀代並前一日入赴大慶殿排立次日隨儀仗導引畜
衣赴德壽宮排列應奉其服著法衣執色樂器下祇候

隆興二年
正月
舊條移此

庫閣借施行詔從之乾道九年正月加上冊寶亦如此
例 十二月三日禮部太常寺言參酌將來追冊皇后
神主祔廟依國朝故事因太常鼓吹在右金吾仗導引
至太廟令欲乞依顯仁皇后神主祔廟禮例用細仗二
百人令兵部差撥其鼓吹乞令太常寺依昨顯仁皇后
祔廟例下殿前馬步軍司差撥雜撥樂人赴寺教習詞
曲自橫宮導引至太廟行祔廟之禮依禮制合設登歌
宮架樂舞所有合用樂舞樂章乞令太常寺條具申請
排辦施行有旨依禮部太常寺續具排辦申請事件一
神主祔廟合用鼓吹導引詞曲及添撰追冊皇后祔廟
合用鼓吹導引酌獻樂章乞依例從本寺申學士院修

撰降下本寺教習施行一合用鼓吹依昨顯仁皇后祔
廟日降指揮禮例係用一百三十一人內全丞職掌等
一十人係本寺人吏充攝歌舞簫箏笛鼓金鉦執色
一百二十一人係下殿前馬步三司差撥教習五人日
今來追冊皇后祔廟係用上件人數差撥內除本寺見
管令丞三人其餘鼓吹執色並之下殿前馬步三司將
見在諸軍剡剡會解樂藝及識字之人前期差撥赴寺
依例教習五日所有合用服著執色樂器下祇候庫揀
選使用事畢拘收送納一合設登歌宮架樂舞依昨顯
仁皇后祔廟已降指揮禮例係用節奏樂正六人登歌
樂工七十二人宮架樂工九十九人二舞九十人教習

此條移前

十人令來追冊皇后祔廟亦是添撰樂曲比之常享事
體尤重令乞依前項已降指揮體例施行所有教習日
令乞止教習七日其合用般運大樂軍兵八十人及遮
護宮駕油幕帟屋乞依例下所屬施行從之隆興二年
九月五日太常寺少卿兼權禮部侍郎洪适言勘會今
歲郊祀大禮依逐次典故用儀仗鼓吹內鼓吹已赴警
場振作所有禮畢車駕回鑾導引振作亦合用軍樂端
門辟敵所設鼓吹宮祭係合用雅樂並與燕樂不同難
以一例不用有旨依以欽宗服未除故也 乾道六年
十二月十四日禮部太常寺言勘會已降指揮加上光
堯壽聖太上皇帝壽聖太上皇后尊號冊寶依禮例合

上

校

用前後部鼓吹導引執色人二百三十六人除鼓吹令
二人外其餘人依例下殿前馬步司偕差裸橫樂人充
攝應奉并各人係前期教習導引詞曲腔譜乞就貢院
擺拽教習前連後次欲乞教習五日詔從之其餘並如
紹興三十二年八月之制

宋會要

天子服

太祖建隆元年二月九日太常禮院言準敕追尊四廟皇帝御崇元殿命
使行冊禮袞龍服五月一日御殿受朝通天冠絳紗袍伏請下內中尚司
與少府監計會修製詔可十九日太常禮院言準少府監准少府監牒
請其袞龍衣絳紗袍通天冠制度今式袞冕垂白珠十有二旒以組為纓
色如其纓旒纓充耳玉簪導玄衣纁裳十二章八章在衣日月星辰山龍
華蟲大宗彝四在裳藻粉米黼黻衣標領如上為升龍皆織就為之山龍
以下每章一行重以為等每行十二白紗中單黼領青標襪裙蔽膝加龍
山火三章革帶玉鈎釧大帶素帶朱裏紕其外上下綠紐約用組底盧玉
具釧大珠鏤首白玉雙佩元組雙大綬六米元黃赤白縹綠純元質天二
杖四尺五寸首廣一尺小雙綬長二尺六寸色同大綬而首半之間施三
玉環朱纓赤舄加金飾詔可

宋會要

天子服

皇太子之服袞冕青羅衣緋羅紅綾裏塗金銀鈸花飾犀簪導紅絲組前
後九旒二纓冠水晶珠青羅衣緋山龍雉火虎雌五章紅羅裳纁藻粉米
黼黻四章紅羅蔽膝緋山火二章白紗中單青標襪革帶塗金銀鈎釧瑜

玉雙佩四米織成大綬結二玉環金塗銀鈸花飾青羅襪帶紅羅鞢帛玉
金鈸金塗銀鈸花玉鐙首白羅襪紅朱履金塗銀鈸從則服之遠遊冠十
八葉青羅表金塗銀鈸花飾犀簪導紅絲組博山朱明服紅花金條紗衣
紅紗裏皂襖襪紅紗裳紅紗蔽膝並紅紗裏白花羅中單皂襖襪白羅方
心曲領白羅襪黑烏帶鈸佩紋如同素服襪鞢白受冊冊謁廟廟會則服
之常服皂紗折上巾紫公服通犀金玉帶 太宗至道元年八月二十五
日冊命皇太子太常禮院言周禮天子執鎮圭公執桓圭無太子執圭之
文所謂公者三恪及上公也晉書太子出會在三恪之下三公之上請定
皇太子服遠遊冠朱明衣執桓圭以受冊朝會謁廟亦如之詔可十二
月二十五日太常禮院言將來南郊准禮例皇太子侍從皇帝充亞獻行
禮合着祭祀服色準制度衣冕垂白珠九旒以組為纓色如其綬青纓充
耳屏皆導元衣纁裳服九章每章一行重以為等每行五章在衣山龍華
蟲火宗異四章在裳藻粉米黼黻皆織為之白紗中單黼領青襖襪襦革
帶金鈸釧大帶素帶不朱裏亦純以朱緣紐約用組黼隨裳色火山二章
玉具鈸金臂為飾玉璽首瑜玉雙佩朱組雙大綬四綬赤白纁紺純朱纁
長一丈八尺三百二十首廣九寸小雙綬長二尺六寸色同大綬而首半

之間施一玉環朱襪赤舄加金飾侍從皇帝祭祀及謁廟加元服納妃
則服之詔令文思院製造徽宗政和三年四月二十九日議禮局上皇
太子冠服之制衣冕垂白珠九旒紅絲組為纓青纓充耳犀簪導青衣朱
裳九章五章在衣山龍華蟲火宗彝四章在裳藻粉米黼黻白紗中單青
標襪裾革帶塗金銀鈎釵蔽膝隨裳色為火山二草璫玉雙佩四采織成
大綬間施玉環三白襪朱舄加金塗銀釧加元服從祀納妃擇英文宣
王服之其服遠游冠十八梁塗金銀花飾博士附蟬紅絲組為纓犀簪導
朱明服紅裳白紗中單方心曲領絳紗蔽膝白襪黑舄餘同衣冕受冊謁
太廟朝會服之詔頒行政和三年四月二十九日又上皇太子妃冠服
之制首飾花九株小花如大花之數并兩博鬢綸翟青織成為之文為搖
翟之形青質五色九等素紗中單黼領羅毅標襪餘皆以朱色蔽膝隨
裳色以緞為領緣以搖翟為章二等大帶通衣色不失裏紕其外上以朱
錦下以綠錦紐約用青組以青衣革帶白玉雙佩純朱雙纓章衣人寸
與皇太子同受冊朝會服之鞠衣黃翟為之蔽膝大帶革帶隨衣色餘與
綸翟同唯無翟從簪服之詔頒行孝宗紹興三十二年即位後未及元
十月三日禮部太常寺言祫饗庫中已降指揮新除皇子都王慶王恭王

每遇行事若服朝服合服七梁冠花冠貂鼠巾金襴銀立筆真玉佩紱金
錢銀革帶烏皮履若服祭服合服金襴銀八旒冕真玉佩紱緋羅袿履乞
下文思院各如法製造有旨依禮典二年十月二十九日詔王子鄧玉情
慶王世恭王允宗廟諱將來大禮合用朝祭服玉佩紱令祇候庫供見管
真玉佩紱無專一橋管日後遇有禮依此供納 乾道元年八月十七日
詔工部下文思院依禮部太常寺定到制度製造皇太子冠服禮部太常
寺狀勘會依禮例皇太子服遠游冠朱明衣纁桓圭及合服冠冕等令討
論中詩桓圭合會太常因革禮至道二年冊命皇太子禮官上言周禮天
子執鎮圭公執桓圭無太子執圭之文所謂公者三恪上公也晉書太子
出會在三恪之下三公之上請定制皇太子服遠游冠朱明衣纁桓圭以
受冊朝會謁廟亦服之按禮玉人云命圭九寸謂之桓圭雙植謂之桓博
三寸厚半寸制上左右各寸半玉也一依政和五禮新儀制度名件遠游
冠十八旒纁紱纁帶博山附蟬紅魚尾為纁犀簪朱明服紅裳白紗
中單方心曲領紵紗蔽膝白襪黑舄會同家冕家冕無白珠九旒紅絲組
為纁纁纁元耳犀簪青朱紫九章五章在衣山龍華蟲火宗彝四章
在裳纁粉米黼服白紗中單青襪纁革帶塗金銀鈎釵蔽膝隨色為大

山二章璫玉雙佩四米織成大綬間施玉環三白襪朱鳥
從之仍令工部行下文思院照應上件冠服疾速修製二十九日有旨皇
太子桓圭用元降下見成玉圭時作一尺製遣先是拱熙修製冊寶禮服
等都大主管所狀准工部侍郎王劄子文思院修製皇太子桓圭為無玉
材遂降下全成玉圭一長一尺三寸本部同太常寺看詳得雖與典故不
同緣已成之圭今隨宜碾造雙頭刻上左右各半結據監官鄭昂按典禮
鎮圭尺有二寸係天子守之命圭九寸謂之桓圭係公守之切於禮經未
安今來本部照得御前別降玉材頗大見令解製依典禮修製可及九寸
本所遂具奏聞故有是命七年二月十二日禮部太常寺言續討論到禮
例皇帝服通天冠絳紗袍御大慶殿册皇太子皇太子受册合服遠游冠
朱明衣執桓圭及謁太廟別廟行禮合服衮冕從之三月七十禮部太
常寺言將來王太子受册畢朝謁太廟別廟依典禮冠服外所有朝謁
景靈宮所服依典故即無該載今欲乞依禮例服常服有旨依

宋會要 皇后服

皇后之服唐制有三等一曰褙衣朝會服之二曰鞠衣親蠶服之三曰禮
衣具見服之圖朝存其名常服龍鳳珠華冠霞帔仁宗天聖二年正月十
一日中書門下言皇太后禮服按典禮具有明堂望令所司預先修製詔
太常禮院檢詳典禮以聞禮院言按開寶禮首飾花十二株小花如大花
之數並用博紫褙衣素紗中單蔽膝大帶以青衣革帶青襪烏白玉雙珮
鈎組雙大綬受冊親蠶朝會諸大事則服之又按開元禮展羅曰隋朝置
后服四等其四曰朱衣絳羅為之望見賓客之令參詳每遇朝謁聖容往
還於輦中服此朱衣加蔽膝革大帶珮綬襪金飾履並隨衣色如常往視
事則亦服朱衣用大帶綬金飾履式去綬只用大帶亦可即去蔽膝革帶
珮鞬或用黃羣為衣如鞠衣之色亦無妨礙仍用大帶綬金飾履其首飾
依十二株花卷可仍命入內侍省副都知周文質管勾修製五月製成
上之 十年九月十五日太常禮院上言准詔出兩宮衣冠畫樣參詳製
造今請皇太后革帶襪烏並隨衣青色仍加金飾不用細餘如畫樣修製
寒可 明道元年十二月三日詔將來皇太后恭謝崇廟有司製后妃禮
衣祭服及重翟等六車太常禮院言禮衣請准皇帝衣服減二章衣去宗

義裳去襖不用紉九龍十六株花前後垂珠翠各二十梳以素衣為名詔
冠名儀天 九日太常禮院言皇太后赴太廟乘玉轎服袞衣九龍花釵
冠行禮服象衣儀天冠皇太妃皇后乘重翟車服鈿釵禮衣以緋羅為之
蔽膝羊帶佩綬履其冠用十二株花釵太廟行禮並服袞衣詔可之教有
司製禮衣及重翟以下六車太后遂以車服謁太廟

神宗元豐八年八月八日禮部言皇太妃冠服之屬咸皇后五分之一詔
翰林學士給舍禮部太常寺同詳定以聞後翰林學士鄧溫伯等言參詳
皇太妃冠服祖今不載亦無故事請參詳裁定惟皇后五分之一詔依所
定內官朵月牙魚 徽宗大觀四年十一月十六日宰臣何執中奏皇后
受冊冠服當辨其者上曰比有司畫一來上內頭官合用珠子中言一見
輒自陳曰方今朝廷本豐不當以服飾費耗邦財願冠用珠數多請以為
妃時所服冠命工改造增飾三枚足矣朕喜其能躬儉節用亦既許之
執中奏曰此陛下克勤克儉風化所及尚書右丞鄧洵仁請記次其事宣
付史館從之

宋會要

臣等

太宗太平興國七年正月九日詔曰士庶之間車服之制至于喪葬咸有等差
近年以來頗成踰僭宜令翰林學士承旨李昉等詳定以聞既而昉等上言今
恭詳伏請今後富商大賈乘馬添素綾者勿禁近年品官綠袍及舉子白襪下
皆服紫色亦請禁斷其私第便服許紫皂衣白袍舊制庶人服白今請通許服
皂又恭詳近年工商庶人家乘轎子或用四人八人今請禁斷轎輦輿子昇不
得過二人並從之 端拱二年十一月九日詔曰國家先定車服制度如聞士
庶尚有看僭今後應文武升朝官及武臣內職禁軍指揮使諸班押班宿軍都
虞候防團副使以上並得乘銀裝條子轎轎其正五品以上即許開裝餘人悉
禁恩賜不拘此限京官充知州軍及通判者許權杖六品以下升朝官創乘銀
裝條子轎轎迺日依舊其品官所服帶已有條制今後縣鎮場務諸色公子并
庶人商賈伎術不係官伶人只得服皂白衣鐵角帶不得服紫王道元年六月
復許庶人服紫帶以時俗所好冒法者眾故除其禁文武升朝官及諸司副使
禁軍指揮使宿軍都虞候之家子弟不拘此限幘頭巾子自今高不過二寸五
分婦人假髻並宜禁斷仍不得作高髻及高冠其銷金泥金及真珠裝綴衣服
除命婦許服外餘人並禁至道元年六月二十四日詔端拱二年十一月

乙酉詔書申明車服制度士庶工商先不許服紫自今許所在不得禁之餘悉
如前詔 真宗咸平二年正月詔曰服用之制典冊具存儻奢僭以不懲則耗
蠹之滋甚先禁士庶之家不得服銷金泥金如開尚有輸越宜令御史臺衙司
巡察新絕犯者嚴斬違禁之物給與巡促人充賞其銷戶散製造者亦令捕捉
科罪諸道州軍準此 大中祥符元年二月十五日三司言準詔開封府民違
製造銷金泥金銷金已從別處分令申明舊制者竊以山澤之寶所得至難儻
縱銷鎔實為虛廢今約天下所用歲不下十萬而此上弊棄於下民自今金銀
箔線貼金銷金泥金塗金線貼什器土木玩用之物並請禁斷非命婦不得以
為首飾治工所用器悉違官違者所由捉搦許人糾告並以違制論告者給賞
錢仍以犯人家財充諸州寺觀有以金箔飾華像者據申三司聽自齎金銀工
價就文思院換給從之先是真宗謂輔臣曰近者士庶頗事侈靡衣服器玩多
鎔金為飾工人鍊金為箔者其徒日繁當今禁止儻其教嚴費用甚多曠不可
復遂以成風比深可戒乃命條約焉五月二十九日詔朕自肅膺續服慎守詒
謀脩法度以建中屏紛華弗御率修儉德以導化源而穹昊顧懷靈符羨錫載
翼大中之道宜師清淨之風姑務德先宜張理奉春官崇室爰暨果條當取實
以革華庶上行而下效自今除衣冠儀仗法服及宴會所設一依舊制外其並

會陳設雖許依舊自今製造亦不得偏地大綾其餘外朝官禁應乘輿御供
帳并皇親臣僚之家進奉之物並不得用銷金金線文繡有司所屬須創造者
即許依例施行諸司不得專擅起樣進呈其常所御物有不如詔者令皇城使
劉承珪龍圖閣待制戚綸焚製以聞其要會陳設如重製造亦不得偏地大繡
庶成敦朴漸復淳淳允符上帝之靈心永奉混元之至寶帝謂宰臣王旦等曰
清淨節儉貴在躬行亦當自家利國也此詔親王公主及貴戚等宜各賜一本
六月八日禁皇親諸武基工匠造修靡服二年正月十日詔申禁錦金以飾
器服記者重純之景祐元年五月一日詔曰織文之奢不常於國中纂組之
作寔害於女功朕稽若令稍務先儉化深為抑本編纂還淳然猶杼軸之家相
矜靡麗衣服之制弗戒紛華浮費居多踰侈斯甚宜懲俗尚用謹邦彛內自掖
庭外及宗戚當奉循於明令無輕犯於禁科其錦背繡背遍地密花透背段子
並從禁止見製造成者與限百日學割變轉如有違犯並根勘收禁裁衣服
沒官諸色人告捉賞錢五十貫以犯人家充財皇親宮院公主宅勾當使臣覺
察無得違犯在京西川見織造上工者並停閑六月二十一日梓州轉運使張
從革乞申明條貫禁絕透背段子密地密花錦背透背段子織成遍地密花
錦背透背衣物並禁斷其補花團窠雜花不相連者更不禁止二年五月七

日詔曰幣品之與金銀為重制財藝貢邦用賴焉洪惟先朝深監治本特嚴鑠之禁以杜奢僭之萌而宵人木工故利矜巧如聞此日潛冒舊防廢壞至珍
榮華首服寢相質富隆長奇衰官司因循曾未可糾宜申布於前令得大其
非心尚敢弗悛罔有攸故敢風遠罪當稱朕懷應市肆造作綾金為婦人首飾
等物並嚴行禁絕 三年二月十三日詔曰夫儉守則固約失則鮮典藉之格
訓也責不祗下賤不擬上臣庶之定分也如聞簪校之間士民之衆罔遵矩度
爭尚奢服玩纖華務極珠金之飾室居宏麗文窮土木之工儻然萃之弗嚴
恐同墮而滋甚況歷代之制甲令備存宜命攸司參為定式庶幾成俗靡蹈非
彝其今兩制與太常禮院同詳定制虔以聞 六月十五日中書門下言臣庶
之家多刻鹿胎以為冠飾比來浸盛欲令刑部布告一切禁斷不得採捕鹿胎
製造冠子如違許人陳告奏可 八月三日詔曰天下士庶之家凡屋宇非即
店樓閣臨街市之處毋得為回鑄作關關八非品官毋得起門屋非官室亦觀
毋得緣繪棟宇及間朱黑漆柱意牆雕鏤柱礎瓦器用表裏毋得用朱漆金
漆下毋得觀表非三品以上官及宗室廠里之家毋得用金校器其同銀校者
毋得鑲金或珣酒食器非官禁毋得用純金器若經賜者聽用之凡命婦許以
金為首飾及為小兒鈴錠餘以為釵簪釧鐲玳瑁者聽之仍毋得為牙魚飛魚

奇巧飛動若龍形者其用銀仍母得鍍金非命婦之家母得以真珠裝綴首飾
衣服及項珠纓絡耳墜頭簪梳子之類凡張慢燈壁承塵柱衣額道項帕履襪
沐浴母得用純錦編織之室威里茶梳食合母得以緋紅蓋覆最貴之族所乘
坐并子母得用朱漆及五線裝繪若用黑漆而間以五線者聽之民間母得乘
轎子及以銀骨絲水鑑子引喝隨行其用梳子者所昇母得過二人違者物主
工匠並以違制論工匠刺配他州有陳告者賞錢五萬其違百日而不變改者
坐之宜令宣徽院御史臺問門左右金吾衛仗司問封府覺舉以聞 慶曆八
年二月二十七日詔曰聞士庶倣效胡人衣裝最害樣頭中著青綠及乘騎畜
鞍轡婦人多以銅線兔褐之類為衣宜令問封府限一月內止絕如違並行重
斷仍仰御史臺問門彈糾以聞 皇祐元年十月十九日詔婦人所服冠高毋
得踰四寸廣毋得踰一尺梳長毋踰四寸毋得以角為之犯者重寘于法仍聽
陳告先是宮中尚白角冠梳人爭倣之至謂之內樣冠名曰垂肩等肩至有長
三尺者梳長亦踰尺議者以為服袂故禁止之 四年五月一日詔禁白角冠
子限一月止絕 嘉祐五年六月詳定編勅所言皇親宮院有違禁衣服首飾
器用之類及雖係所賜或父祖所置者聽百改造之知違令今宮使自覺察中
大宋正司施行從之 七年十月二十二日禁天下衣黑紫初皇親與內日賜

衣紫皆再入為黜色後士庶寔相效而言者以謂奇素之服宜禁絕之 神宗

元豐五年正月十七日大宋正司言宋室高年抱疾恩許私家乘垂庶肩輿出

入門擁從提多驕不可長欲乞許乘肩輿者量出殆引籠燭照夜毋得過兩對

如有違犯從本司察舉從之 哲宗紹聖二年六月二十六日侍御史翟思言

近者京城士人與豪右大姓出入往來率以輜自載四人舁之甚者飾以綾蓋

微去簾蔽翼其左右旁午於通達之衢甚為僭越乞行止絕從之 七年二月

詔在京官出入不得令人執涼扇 徽宗政和元_年二月七日詔元符雜勅諸

服用以龍或銷金為飾并服徧地密花透骨錦背繡背服及以純錦徧繡為帳

幕者徒二年工匠加二等許人告捕雖非自用與人造作同嚴行禁之六月十

四日知樞密院事鄧洵武奏今文日九品以三等之服至於命婦陛下親灑宸

翰釐為八等而服制未有名稱詔送禮制局 宣和元年正月五日詔先王之

法壞胡亂中華遂服胡服習尚既久人不知耻末之有禁非用夏變夷之道應

敢胡服若璽笠鈞整之類者以違御筆論 高宗紹興八年八月二十八日宰

執奏舉行禁止塗金鋪翠造作服用及為婦人首飾事上宣諭曰宮中禁之甚

急又當民俗自化不必過為刑禁也可令刑部檢坐前後累降罪賞條法指揮

申嚴行下仍仰州縣守之今在志力奉行毋致有犯常切督責巡捕官用心緝

捕如數依前施授縱令違戾仰監司按劾以聞 九年八月十七日臣僚言凡
品服有章貴賤以別衣冠不易之法也異時撥壞未遑文治上下大小例衣紫
窄衫以從簡便至今循習輿臺皂隸混為一區漢官威儀有時而廢臣願自軍
旅外申嚴有司討論官帶之制俾公卿大夫監司守令以臨吏民有則象焉從
之其後二十五年十二月十八日奉知政事魏良臣言除諸軍將校許服紫衫
外自餘並依承平服冠帶之制 二十六年二月九日臣僚言乞申嚴紫衫之
禁並從之權尚書禮部侍郎王曠奏親自古衣服所尚載於史志所繫大不可
不謹也漢光武為司隸時諸將過雖滿者數十輩皆冠履而衣婦人衣諸子繡
襦見者莫不笑之或有畏而走者及見司隸僚屬皆歡喜不自勝或垂泣曰不
圖今日復見漢官威儀由是城者皆歡喜焉光武所以奄有四海結開中興者
此之謂助多矣然則聖王之興豈可以為此細故微事而不垂意哉切見近日
士大夫皆服涼衫此肩疊逆習以成風甚不足觀也既以代冠裳而交際亦以
居官制而聽理處民物之上而躬賈客之衣有金珠之意而為游士之飾居平安
之時而從征役之裝至乃聚數十而錯立環一堂而團坐色皆淺素極焉可憎
其詳則不敢悉言恭惟陛下聖意有默喻者矣然今之衣之非不知惡之也前
者議且以謂紫衫之設施於用或故為之禁而人情終趨簡便是以靡而至此

且文武並用本不偏廢朝章之外宜有便衣仍存紫衫未嘗大體故詔從之
九年十二月十五日詳定三司勅令所狀乾道重修儀制令諸中書舍人左右
諫議大夫龍圖天章寶文顯謨徽猷敷文閣待制權侍郎許服紅鞵排安黑犀
帶仍佩魚改修下條諸中書舍人左右諫議大夫龍圖天章寶文顯謨徽猷敷
文閣待制權侍郎許服紅鞵排方黑犀帶仍佩魚諸職之座職事官權六曹侍
郎寄祿官太中大夫以上及學士待制或經恩賜者齊乘二衛或節度使曾任
執政官者準此諸凶服不入公門居喪而奪情從職者照依本品唯以淺色去
金玉飾在家即如喪制改修下條諸凶服不入公門居喪而奪情從職者服
本品唯色淺去金玉色在家即如喪制諸文武陞朝官及伎術官大夫以上並
用屨學生同用朝服武功郎以下減諸學生及幕從義宣教郎以下並用屨使
術官翰林良醫以下及持校亦同改修下條諸文武及伎術官並同配持校同
用請武功郎以上減總從義宣教郎使術官翰林良醫以下持校各減總從學
生服者減幕諸州職負及職級許履靴執笏笏界安撫總管幹辦發運鹽司職
級準此改修下條諸州職負及職級許執靴執笏笏界安撫總管幹辦發運鹽司職
發運鹽司幹辦準此乾道重修儀制式履用黑革以絢纁純居飾之各題服色
學生履以絢纁純用青絨總者亦名履或總純者名履約履上飾纁飾底純

緣也恭履市改修下條靴用黑羊以麻底一重皮底一重白絹補履為異自底至額口高八寸以絢總純恭飾之各隨板色學生約純並用青詔從之 大中祥符二年詔中禁鎔金以飾器服又太常博士知溫州李邀言兩浙僧求丐金銀珠玉錯木和泥以為塔像有高莫大者毀碎珠寶寢以成俗望嚴行禁絕違者重論從之 七年禁民間服銷金及透遮那額 八年詔內庭自中宮以下並不得銷金貼金間金釵金圈金釧金別金陷金明金泥金楞金背影金盤金織金金線撫絲裝著衣服並不得以金為飾其外庭日庶寮悉得禁斷日民舊有者限一月許回易為真像前供養物應寺觀裝功德用金箔須具股位真像願合增修初造教經官陳狀狀勸會詣寶閣奉方給公據詣三司收買其明金裝假果花板樂身之類應金為裝彩物降詔前已有者更不毀壞自餘悉禁違者犯人及工匠皆坐是年又禁民間服皂班纈衣 仁宗天聖三年詔在京士庶不得衣黑褐地白花衣服并藍黃紫地投暈花樣婦女不得將白色褐色毛段并淡褐色匹帛製造衣服令開封府限十日斷絕婦女出入乘騎在路披毛褐以禦風塵者不在禁限 七年詔士庶僧道無得以朱漆飾床榻 九年禁京城進朱紅器四 神宗熙寧九年禁朝服紫色近黑者民庶止令乘轎車聽以黑色間五彩為飾不許呵引及前引儀物 徽宗大觀元年郭天信乞中外

並罷翡翠裝飾帶曰先王之政仁及草木禽獸今取其羽毛用於不急傷生害
性非先王惠養萬物之意宜令有司立法禁之 政和二年詔復苑造頌帛蓋
自元豐初置為行軍之號又為衛士之衣以辨姦詐遂禁止民間打造今開封
府申嚴其禁客旅不許輿販織板 七年日條上言筆數之下競修靡有未草
者居室服用以壯麗相誇珠璣金玉以奇巧相務不獨貴近比比紛紛日益滋
甚日嘗考之中令法禁雖具其罰尚輕有司玩習以至於此如民庶之家不得
乘輜今京城內暖輜非命官至富民倡優下賤遂以為常竊見近日有赴內禁
乘以至皇城門者奉祀來至宮廟者坦然無所畏避且妄以為僭禮犯分禁亦
不可以緩於是詔非品官不得乘暖輜 是歲又詔教為契丹服者簪笠鈞鑿
之類者以違御筆論鈞鑿今亦謂之鐵袴婦人之服也中興士大夫之服大抵
因東都之舊而其後稍變焉一日深衣二曰紫衫三曰涼衫四曰帽衫五日襖
衫淳熙中朱熹又定祭祀冠婚之服時頒行之凡士大夫家祭祀冠婚則其盛
服有官者幘頭帶鞞進士則幘頭襖衫帶處士則幘頭皂衫帶無官者通用
帽子衫帶又不能具則或深衣或涼衫有官者亦通用帽子以下但不為盛服
婦人則假髻大衣長裙女子在室者冠子背子衆妾則假髻背子冠禮三加冠
服初加緇布冠深衣大帶納履再加帽子皂衫革帶鞞三加帽頭公服革帶

納繡具品官嫡庶子初加折上中公服再加二梁冠朝服三加平冕服若以巾
帽折上中為三加者聽之用白細布度用指尺全四幅其長過脇下屬於裳
交解十二幅上屬於衣具長及踝圓袂方領曲裾黑緣大帶緇冠幅中黑履士
大夫家冠婚祭祀宴居交際服之紫衫本軍校服中興士大夫服之以便戎服
紹興九年詔公卿長吏復用冠帶然迄不行二十六年再申嚴禁毋得以戎服
臨民自是紫衫遂廢士大夫皆服涼衫以為便服矣涼衫甚非美觀而以交際
居官臨民純素可憎有似凶服墜下方奉兩宮所宜早之且紫衫之設以從戎
為之禁而人情終趨簡便靡而至此文武並用本不偏廢朝章之外宜有便衣
仍存紫衫未害大體於是禁服白衫除乘馬道塗許服外餘不得服若便服許
用紫衫自後涼衫祇用為凶服矣帽衫帽以烏紗衫以皂羅為之角帶繫鞵束
都時士大夫交際常服之而渡後一變為紫衫再變為涼衫自是服帽衫少矣
惟士大夫家冠婚祭祀猶服焉若國子生常服之襖衫以白細布為之圓領大
袖下施橫襖為裳腰間有辟積進士及國子生州縣生服之紹紹興五年高宗
謂輔曰金翠為婦人服飾不惟靡費害物而侈靡之習實關風化已戒中外
及下令不許入宮門今無一人犯者尚恐士民之家未能盡革宜中嚴禁仍定
銷金及採捕金翠罪賞格 淳熙二年孝宗宣示中宮褱衣曰珠玉就用禁中

此條不錄
疑唐代
事須查

舊物所費不及五萬草弊當自宮禁始因問風俗龔茂良奏由貴近之家做做
宮禁以致流傳民間鬻簪珥者必言內樣彼若知上崇尚淳朴必觀感而化矣
臣又聞中宮服澣濯之衣數年不易請宣示中外仍勅有司嚴戮奢僭寧宗嘉
泰以風俗修廢詔宮民營建室屋一遵制度務從簡樸又以中宮金翠燭之通
衡貴近之家犯者必罰二年閏九月七日中書門下省言見今朝靴樣制不
一得旨降下樣制竊高九寸額口可改作四直工部勘當欲泰用履制度約吟
休總今差底純今緣燕今未文武官各隨其服色大夫以上具四飾用抹。緣
未差底朝請郎武功郎以下去總用抹。緣未從義郎宣教郎以下至將校使
衛官去總純用抹。未仍用麻底二重皮一重裏用白絹納壇表用皂鞮羊皮
底鞮。高八寸准尺大小隨宜增減各隨服色詔工部畫樣頒下

唐繪

胡証字啓中為和親使入漠南虜人欲屈脇之且言使者必易胡服又欲主使
道疾驅証固不從以唐官儀自將卒不辱命

宋會要

朝服

仁宗景祐三年十月十九日御史臺言準詔皇親諸司使以下除西班官百三十餘員並隸本臺班簿凡侍祠大朝會大將軍至副率各依本品朝服宜下有司施行詔禮院檢詳典故報三司製造康定二年十月少府監言每大禮朝服法物庫定百官品位支給朝服今朝班內有官卑品高及官高品卑者難為臨時參定或恐差舛有違典禮望下禮院詳定百官朝服等第今本庫依官品支給詔禮院參酌舊制禮院言準衣服令五梁冠犀簪導珥筆朱衣朱裳白羅中單並早襦襖方心曲領大帶革帶蔽膝履羅色玉裝釵玉佩錦綬間施二玉環白襪烏皮履一品二品侍祠大朝會則服之中書門下則加龍巾貂蟬準官品令一品尚書令太師太傅太保太尉司徒司空太子太傅太保二品中書令侍中左右僕射太子少師少傅少保諸州府牧左右金吾衛上將軍又準閣門儀制以中書令侍中同中書門下平章事為宰相樞密使知樞密院事參知政事樞密副使同知樞密院事宣徽南北院使簽書樞密院事並在東宮三師之上以上品位職事請準上條給朝服軍臣使相則加龍巾貂蟬其餘散官勳爵不繫

品位止從正官後條餘品准此又准衣服令三梁冠犀簪導白紗中單銀
鈿佩銀環餘同五梁冠諸司三品御史臺四品兩省五品侍祠大朝會則
服之近制並有中單御史中丞則冠獬豸準官品令諸司三品諸衛上將
軍六軍統軍諸衛大將軍神武龍武大將軍太常中正御史監光祿衛
尉大僕大理鴻臚司農太府卿國子祭酒殿中少府將作司天監諸衛將
軍神武龍武將軍下都督三京府尹五大都督府長史親王傳御史臺三
品四品御史大夫御史中丞兩省三品四品五品左右散騎常侍門下中
書侍郎諫議大夫給事中中書舍人尚書省三品四品六尚書左右丞諸
行侍郎東宮三品四品太子賓客太子詹事太子左右庶子太子少詹事
太子左右諭德又準問門儀制節度使文明殿學士資政殿學士三司使
翰林學士承旨翰林學士資政殿學士端明殿學士翰林侍讀學士侍講
學士龍圖閣學士樞密直學士龍圖閣直學士並次中書侍郎節度觀察
留後並次諸行侍郎知制誥龍圖天章閣待制觀察使並次中書舍人內
客省使次太府卿客省使次將作監引進使防禦團練三司副使並次左
右庶子以上品位職事請準上條給朝服又準衣服令兩朝冠劍佩環
餘同三梁冠四品五品侍祠大朝會則服之六品則去劍佩綬御史則冠

緋多衣有單單準官品令諸司四品太常宗正少卿祕書少監光祿等七
寺少卿國子司業殿中少府將作司天少監三京府少尹太子率更令家
令僕諸衛率府率副率諸軍衛中郎將諸王府長史司馬大都督府左右
司馬內侍尚書省五品左右司諸行郎中諸司五品國子博士五經博士
太子中允左右贊善大夫都水使者開封祥符河南洛陽宋城縣令太子
中舍洗馬內常侍太常宗正祕書殿中丞著作郎殿中省五尚奉御大理
正諸王友諸軍衛郎將諸王府諮議參軍司天五官正太史令內給事諸
陞朝官六品以下起居郎起居舍人侍御史尚書省諸行員外郎殿中侍
御史左右司諫左右正言監察御史太常博士通事舍人又準閣門儀制四
方館使次七寺少卿諸州刺史次太子僕謂正任不帶使職者東西上閣
門使次司天少監客省引進閣門副使並次諸行員外郎以上品位職事
據令文但書四品五品亦不分班叙上下今請自尚書省五品以上及諸
州刺史以上準上條給朝服其諸司五品以上實有高品卑及品高官
卑者合自諸司五品國子博士至給事事並依六品以下例去刺佩綬御
史則冠緋多衣有中單其諸司使副使以下至閣門祇候如有攝事合請
朝服者並同六品詔從之

神宗元豐二年四月二十三日詳定正日御

殿儀注所言按周以上祭服無劍而有禮故周官司服之職悉不著劍惟朝服則有容刀詩曰韞琫容刀是也冬官桃氏為劍止以共武士服者帶劍以祠郊廟以朝天子非古也自秦及西漢艱危用武之時朝祭服皆佩劍東漢大祭祀王佩劍履以行事惟朝尚佩劍晉制服劍以木代之謂之班劍東齊謂之象劍今冬正大朝會若服三代之冕服而用三代之禮則去劍可也若服秦漢之服而用秦漢之禮則存劍可也然文武異容佩劍之制不當施於朝事又周禮以不脫履為恭以脫履為相親少儀曰凡祭於室中堂上無跣燕則有之注曰祭不跣者主恭也燕則有跣為歡也特牲少牢饋食之禮無脫履而燕與鄉飲酒之禮則有脫履升堂與少儀令自秦以下冠服雖異于周猶坐于席夫坐于席則劍不可以不解履不可以不脫解劍脫履于至尊之前則愈不恭矣故特升堂必解劍脫履也其後相承既久遂以解劍脫履為恭與古益異今冬至朝會若用周禮則服當無劍而惟燕坐然後脫履而升若止襲秦漢之故則因舊儀為可又恐佩劍而趨朝脫履而示恭與三代禮意不合其冬正朔會欲乞約用周禮不服劍不脫履為從之八月二十九日詳定朝會儀注所言周禮天子貶朝則皮弁服十五升衣積素以為裳記所謂皮弁素積是也諸侯貶朝則

委貌冠其服縹布衣亦積素以為裳詩所謂縹宜之宜合是也凡在朝君

臣同服漢氏承秦改六冕之制但玄冠絳衣而已魏以來名為五時朝服

隋唐謂之具服一品以下九品以上皆絳紗襪衣其冠有五梁三梁二梁

一梁之別隋志曰梁別貴賤自漢始也綬則以組為之本以貴佩玉相承

受戰國尚武而去佩但留其繫璫而秦乃以采組連於璫轉相結受因以

為飾所謂綬也韋彤五禮精義曰綬以別尊卑彰有德故漢制相國至百

石吏綬有三米二米一米之等然則冠以祭之多少別貴賤綬以采之麤

緹異尊卑其來尚矣古者制禮上物不過十二天理之數也自上而下降

殺以兩畿外諸侯遠於尊者而伸則以九以七以五從陽奇之數王朝公

卿大夫近於尊者而屈則以八以六以四從陰偶之數本朝衣服令通天

冠二十四梁為乘輿服蓋二十四梁以應冕旒前後之數若人臣之冠則

自五梁而下與漢唐少異矣至於綬則乘輿及皇太子以織成諸臣用錦

為之一品二品冠五梁中書門下加龍巾貂蟬諸司三品三梁四品五品

二梁御史臺四品兩省五品亦三梁而綬有章錦黃師子方勝練鵲四等

之殊六品則去劍佩綬隋唐冠服皆以品為定蓋其時官與品輕重相準

故也今之令式尚或用品雖因襲舊文然以官言之頗為舛謬舉一二

則太子中允贊善大夫與御史中丞同品太常博士品卑於諸寺丞太子中舍品高於起居郎內常侍纔比內殿崇班而在尚書諸司郎中之上是品不可用也若以差遣則有官卑而任要劇者有官品高而處冗散者有一官而兼領數局者有徒以官奉朝請者有分局在職特出於一時隨事立名者是差遣又不可用也以此言之用品及差遣定冠綬之制則未為允當伏請以官為定級名實相副輕重有准仍乞分官為七等冠綬亦如之貂蟬龍中七梁冠天下樂章暈錦綬為第一等蟬舊以玳瑁為胡蝶狀今請改為黃金附蟬宰相親王使相三師三公服之七梁冠雜花暈錦綬為第二等樞密使知樞密院至太子太保服之六梁冠方勝宜男錦綬為第三等左右僕射至龍圖天章寶文閣直學士服之五梁冠翠毛錦綬為第四等左右散騎常侍至殿中少府將作監服之四梁冠簇四雕錦綬為第五等客省使至諸行郎中服之三梁冠黃師子錦綬為第六等皇城以下諸司使至諸衛率府率服之內自內常侍以上及入內省內侍省內東西頭供奉官殿頭前班東西頭供奉官左右侍禁左右班殿直京官祕書郎至諸寺監簿主記預判會亦宜朝服從事今參酌自內常侍以上冠服各從本等寄資者如本官入內內侍省內東西頭供奉官殿頭三班使

按字上經
有闕注

臣陪位京官為第七等皆二梁冠方勝練鵲錦綬高品以下服色依古者
鞞鞬烏履並從裳色今制朝服用絳衣而錦有十九等其七等綬謂宜純
用錦錦以文采高下為差別惟法官綬用青地荷蓮錦以別諸臣後漢制
法官一日柱後執法者服之侍御史廷尉正監平也或謂之緋多冠南齊
志亦曰法冠廷尉等諸執法者冠之今御史臺自中丞而下至監察御史
大理卿少卿丞審刑院刑部主判官既正定厥官真行執法之事則宜冠
法冠改服青荷蓮錦綬其染數與佩準本官從之按周禮司服王賦朝
則皮弁服鄭氏注視朝視內外朝之事王受諸侯朝覲於廟則衮冕賈公
彥曰覲禮天子來冕負黼衣故知朝覲在廟王服衮冕若然春夏受摯在
朝則皮弁服故孔穎達曰天子朝服立於路門之外諸侯朝服執摯入應
門漢制百官賀正月天子服通天冠張衡東京賦曰冠通天佩玉璽章彤
五禮精義曰通天冠朝會之正服猶古之皮弁也自晉以來天子郊祀天
地明堂宗廟元會臨軒介憤通天冠平冕早表朱緣裏加於通天冠上衣
畫而裳繡為日月星辰十二章自此元日受朝始用祭服梁及隋唐既以
因襲而本服之制亦用衮冕臣等看詳周禮朝覲若春夏受摯於朝則君
臣皆朝服秋冬受摯於廟則君臣皆祭服今元會行禮於朝而天子服祭

服諸侯服朝服未合禮意欲乞元日受朝賀服通天冠絳紗袍從之
元豐五年十二月十一日詔冬正朝會諸軍所服衣冠宿都軍都指揮使都
虞候領團練使刺史張第五等軍都指揮使都虞候服第六等指揮使副
指揮使服第七等並班於廷副都頭以上常服班殿後門二十三日吏部
尚書李清臣奉詔檢閱朝會應奉事欲令執事高品以下並服介冑絳服
大帶革帶淺履方心曲領從之六年九月二十八日尚書禮部言樞密都
承旨張詠一言伏見朝服法物庫有太常協律郎大樂丞新給袴褶冠今
檢諸書志唯袴褶之制未詳所起代車駕親戎中外戎裝則服之唐制三
品以上紫褶五品以上緋褶七品以上綠褶九品以上碧褶九品以下通
用細綾七品以下通用小綾及檢會南唐記止有鼓吹令丞冠注漆皮為
之兩耳鍐花形如三禮圖委貌冠今俗謂之袴褶冠收載庫籍即無所據
乞下禮官考正下太常寺太常寺言袴褶乃是從戎之服以此名冠尤為
所據今協律郎如押樂太常卿遇祠祭朝會各以本品朝祭冠服從事無
太學令丞今止服本品官服其袴褶並合不用從之曹尚書侍郎殿中監
大司丞散騎常侍待進金紫銀青光祿大夫太尉師度使左右金吾衛左
右衛上將軍服之

禮部正月七日祭官有祔服既葬公除及聞哀假滿者請許吉服赴宗廟之祭其同官未葬雖公除者請依前禁之國家朔祭百官冠履多用周制每大朝會侍祠時服之襪有帶履用皂袴衣中單勒帛祀服祔祀大帶革帶方心曲領佩則用石以代珠玉冠有三梁五梁之別言官刑法官則加獬豸所執各用其笏如導駕除御史大夫關封牧關封令出各乘車外他官員冠服而騎

宋會要

卷一百一十五

王公冠服唐制有裘冕九旒鷩冕八旒翟冕七旒絺冕六旒玄冕五旒弁朝服公服袴褶弁服國朝省八旒冕六旒冕弁服九旒冕塗金銀花額犀玳瑁簪導青羅衣繡山龍雉大虎雌五章絺羅裳繡藻粉米黼黻四章絺蔽膝繡山火二章白花羅中單玉裝鈕佩革帶韋錦綾二玉環絳白羅大帶絳羅襪履親王中書門下奉祀則服之九旒冕無額花玄衣綠裳志畫小白綾中單師子錦綾二銀環餘同上三公奉祀則服之七旒冕犀角簪導衣畫虎雉粉米三章裳畫黼黻二章銀裝佩切革帶餘同九旒冕九卿奉祀則服之五旒冕無章銅佩鈕革帶餘同七旒冕青羅為衣裳四品

五品為獻官則服之六品以下無劔佩綬紫襪衣朱裳羅為之皂大綬綬
銅劔佩御史博士服之平冕無旒青衣纁裳無劔佩綬餘同五旒冕大祝
奉禮服之五梁冠塗金銀花額犀玳瑁簪導立革緋羅袍白花羅中單緋
羅裙緋羅蔽膝並皂襪襪白羅大帶白羅方心曲領玉劔佩銀革帶鞶錦
綬二玉環白綾襪皂皮履一品二品侍祠朝會則服之中書門下則冠加
簪中貂蟬簪中綳藤漆之塗金銀飾玳瑁蟬一金蟬六銜玉三梁冠犀角
簪導無中單銀劔佩師子錦綬銀環餘同五梁冠諸司三品御史臺四品
兩省五品侍祠朝會則服之御史大夫中丞則冠有獬豸角衣有中單兩
梁冠犀角簪導銅劔佩雉錦綬銅環餘同三梁冠四品五品侍祠朝會
則服之六品以下無中單無劔佩綬御史則冠有獬豸角衣有中單袴褶
紫緋綠各從本服色白綾中單白綾袴白羅方心曲領本品冠導駕則騎
而服之大駕由簿內中服之制金吾上將軍將軍六統軍千牛中郎將服
花脚幘頭林頭紫緋袍佩牙刀珂馬諸衛大將軍將軍中郎將折衝果毅
散手朔衛服平中幘紫緋袍大口袴錦腰蛇銀帶佩橫刀執弓箭千牛將
軍服平中幘紫緋袍大口袴銀帶鞶橫刀執弓箭珂馬千牛服花脚幘
頭緋緋林頭大口袴銀帶鞶前馬隊內折衝及執殳者服錦帽緋緋袍

銀帶監門校尉六軍押仗服幘頭紫繡袍襠隊正服平巾幘緋繡袍大口
袴諸衛主率都尉引駕騎持銀隊內校尉旅帥執衛司戈仗腰鞘金五十
六騎班劍儀刀隊親勳期衛執大角人平巾緋繡袍襠大口袴佩橫刀
執弓箭金吾押牙服金幘紫繡袍銀帶儀刀金吾執憲者服烏紗幘皂
衣袴襪獲金吾押憲服幘頭皂繡衫大口袴銀帶烏皮鞞執金吾腰鞘服
錦袍帽臂鞞銀帶烏皮鞞清游隊仗飛執副仗稍服甲騎具裝錦鞞橫刀
執弓箭白袴朱雀隊執旗及執牙門旗執降引幡黃麾幡者服緋繡衫抹
額大口袴銀帶執戈仗前後步隊真武隊執旗前後步黃麾執日月合璧
等旗青龍白虎隊金吾細仗內執旗者服五色繡袍抹額行膝銀帶執白
輪棒人加銀褐捍腰執龍旗及前馬內執旗人服五色繡袍銀帶行膝大
口袴執弓箭執龍旗副竿人服錦帽五色繡袍大口袍銀帶執弩弓箭人
服錦帽青繡袍銀帶前後步隊人服五色縹甲錦臂鞞鞞袴錦帶朱雀
隊內執弓箭弩稍虞候飛執長壽幢寶輿法物人服平巾幘緋繡袍大口
袴銀帶援寶執絳麾真武幢義人服武弁紫繡衫持鉞隊殿中黃麾鐵扇
腰與香盤華蓋指而迎賢等車駕士相風鍾漏等輿與士服武弁緋繡衫
駕羊車童子服垂耳髻青頭巾青繡大袖衫袴勒帛青耳履執引駕龍旗

旗六軍旗者服錦帽五色繡衫錦臂鞬銀帶引夾旗及執柯舒鐙仗者服帖金帽餘同上執花鳳飛黃吉利旗者服銀褐繡衫抹額銀帶夾較隊服五色質鑿鏤錦臂鞬白行膝紫口蹊蹙號衛翊三隊服平巾幘緋繡袍大口袴錦腰蛇五輅副輅耕根車駕士服平巾幘青繡衫青履蹙教馬官服幘頭紅繡抹額紫繡衫白袴銀帶掌筆服武弁黃繡衫紫繡誕帶攏御馬者服帖金帽紫繡大袖衫銀帶執真武幢者服武弁皂繡衫紫繡誕帶五牛旗與士服武弁五色繡衫大口袴銀帶掩後隊服黑鑿甲錦臂鞬行膝鼓吹令丞服綠袴褶冠銀褐裙金銅革帶緋白大帶履蹙太常寺府史典事司天令史服幘頭綠衫黃半臂太常主帥桐鼓金鉦節鼓人服平巾幘緋繡袍大口袴抹帶錦腰蛇歌拱辰管簫茄笛箏篪無腰蛇太常太鼓長鳴小鼓中鳴服黃雷花袍袴抹額綠帶太常鏡大黃吹服緋莖丈袍袴抹額綠帶太常羽葆鼓小橫吹服青莖丈袍袴抹額綠帶緋列官令史府史服黑介幘緋衫白袴白勒帛司辰典事漏刻生服青袴褶冠革帶殿中少監奉御供奉排司官引駕仗內排列承直官大將金吾引駕押仗押旗服幘頭紫公服烏皮鞬尚輦奉御直長黃令丞千牛長史迎馬四色官服幘頭綠公服白袴金銅帶烏皮鞬殿中執掌執纛扇人服幘頭碧欄金

銅帶馬皮鞢舊人黃太興國六年并內侍者並改服以碧凡繡文金吾
衛以辟邪左右衛以瑞馬馳衛以雕虎屯衛以赤豹武衛以瑞鷹領軍衛
以白澤監門衛以師子千牛衛以犀牛六軍以孔雀樂工以鸞耕耨車駕
士以鳳衛嘉禾迎賢車以瑞麟明遠車以對鳳羊車以瑞羊指南車以孔
雀記里鼓黃鉞車以對鸞白鸞車以翔鸞駕旗車以瑞鸞崇德車以辟邪
皮軒車以虎屬車以雲鸞豹尾車以玄豹相風鳥輿士以烏五牛隄以五
色牛餘皆以寶相花六引內中服之制清道冠服武弁繡衫抹額持愜
弩車輻抹者服平巾赤帽繡衫赤袴銀帶青衣服平巾青服青袴褶持
戟織扇刀盾者服黃繡衫抹額行膝銀帶持幡蓋者服繡衫抹額大口袴
銀帶內告止幡曲蓋以緋傳教幡信幡絳引幡以黃執誕馬轡儀刀麾幢
節夾稍大角者服平巾幘繡衫大口袴銀帶大駕鹵簿內執轡並錦絡
衫帽持弓箭稍者服武弁繡衫白袴駕士服錦帽繡戎服大袍銀帶弓
箭以青稍以紫持柶鼓者服平巾幘繡對鳳袍大口袴白抹帶錦膝蛇
鏡吹部內服平巾幘繡袍白抹帶白袴餘悉同大駕前後部其繡衣文
清道以雲鸞愜弩以辟邪車輻以白澤駕士司徒以瑞馬牧以阜御史大
夫以辟邪兵部尚書以虎太常卿以鳳縣令以雉樂工以鸞餘悉以寶相

花 太祖建隆四年八月十六日宰臣范質與禮官議導駕官服袴諸衣
按制度所起先儒無說惟開元雜禮五品以上通用細綾及羅六品以下
服小綾褶衣之色惟本品綾色注褶衣即複衣也又按諸王朱綾四采亦
黃縹紺亦即朱也以純朱為地更次第輕入黃白青付內染之共為四采
亦謂之朱褶一品綠綾綾四采綠紫黃赤綾即綠也是草之綠色以純綠
為地亦謂之綠綾褶二品三品紫綾三采紫黃赤謂之紫褶其衣身領袖
袂謂依今制又按今文武弁金飾平巾幘導紫褶白袴玉梁珠寶鈿帶
鞞騎馬服之金飾即金附鞞也詳此即是二品三品所配弁之制也附鞞
之數蓋一品九鞞二品八三品七四品六五品五又今文武弁平巾幘侍
中中書令散騎加貂鞞侍左者左耳侍右者右耳又開元雜禮導駕官並
朱衣冠履依本品此朱衣今朝服也然自一品至二品用四入之朱為衣
乃協上下之文異絳繒之色又今文三品以上紫褶五品以上緋褶七品
以上綠褶九品以上碧褶並白大口袴起梁帶馬皮鞞竊詳龍冠子巾與
武弁大冠其名雖殊本是一物製同而飾別蓋以官品為差其幘亦載在
龍冠下今請造袴褶如今文之制其起梁帶形制檢尋未是望以革帶代
之奏可是歲造成而未用乾德六年郊禮始服而冠未造乃取朝服進賢

冠大帶革履屐參用馬九月二日宰臣范質言三公祭服舊皆畫升龍衮
襜有緋紫之制請令禮官檢尋故事按三禮三公毳冕無龍章上公衮冕
無龍二品鷩冕又周禮言上公衮冕九旒以五采繩貫五采珠旒長九寸
每寸以珠玉填其衣五色五章山龍華蟲火宗彝畫於衣其裳朱色四章
藻粉米黼黻繡於裳又按今文疏並貫青色珠青纁其珠及黹纁今請衣
今文青色之制又按開元禮武官陪立大仗加膝蛇衮襜如袖無身以覆
其膊膊音各蓋掖下縫也從肩領覆臂膊共一尺二寸又按釋文玉篇相
傳云其一當背其一當背謂之兩當今詳衮襜之制其領連所覆膊膊音各其
一當左膊其一當右膊故謂之起膊今請兼存兩說擇而用之詔改製祭
服以青色造衮襜用當背當背之制真宗咸平五年二月大理寺丞李
坦言臣聞禮行於郊而百神受職焉禮行於社而百貨可殖焉是故禮者
治國之柄服者飾身之儀前代成規後王不易臣昨差郊壇助祭竊見助
祭之官所服六冕衣裳畫繡之等多不依古制又慮後來增減不同然按
尚書畢陶云乎欲觀古人之象日月星辰山龍華蟲作會宗彝藻火粉米
黼黻絺繡此十二章也六章畫於衣象天也六章繡於裳象地也夏商無
文至周三辰畫於旌旗惟九章在於衣裳之上周有六冕按司服云王祭

昊天上帝則大裘而冕祭五帝亦如之享先王則衮冕享先公則鷩冕祀四望山川則毳冕祭社稷五祀則絺冕祭羣小祀則玄冕鄭司農云大裘羔裘也所以知羔裘者祭天尚質故用之象天色也衮冕之旒天子則十二旒升龍於山升火於宗彝若上公則九旒自山龍而下九章侯伯鷩冕七旒自華蟲而下七章子男毳冕五旒自宗彝而下五章孤卿即絺冕三旒三章無畫皆繡凡奇數在衣偶數在裳今具六冕祭服異同之行改正詔送太常寺禮院詳定禮院言檢討如後伏緣旒冕之制度繡畫之等差歷代以來屢有沿革若循古制須議酌中改作之間安敢輕議周六冕皆玄上纁下玄上法天纁下法地兼前後寔延今觀冕板上下之色皆用玄青亦無寔延一失也

宋會要

皇祐四年三月太常禮院言按禮曰繡黼丹朱中衣大夫之僭禮也注云此言諸侯之禮繡請為綃縹名也繡黼丹朱以為中衣領緣也疏云繡刺繒為黼文也丹朱赤色染繒為赤色也中衣謂以素為冕服之裏衣猶今中單衣也又晉詩云素衣朱襪正義曰釋器云黼領謂之襪孫炎曰繡刺黼文以襪領是襪為領也中衣者朝服祭服之裏衣也其制如深衣故禮

記深衣連衣裳而純之以采者有表則謂之深衣又魯詩云素衣朱綃綃
為綺屬然則綃是刺繡別名於此綃上刺為繡文謂之綃繡也綃上刺繡
以為衣領然後名之為襖故爾雅云黼領謂之襖襖為領之別名也問元
禮天子服衾冕玄衣纁裳白紗中單羣官服衾冕青衣纁裳白紗中單今
詳叅古者服之中衣以素為之以朱為領緣而領刺以黼大故禮記云黼
黻丹朱中衣詩云素衣朱襖是也今之祭服既有中單又別為裏非也然
則中單之制宜用緇素而朱丹領緣領刺以黑文黼文可也禮云大夫之
備禮則諸侯之服也今五等祭服宜依此制詔可六月同知太常禮院邵
必言伏見監祭使監禮各冠五旒冕衣裳無章色以紫禮詳求古禮並無
此服按周禮云冕之制凡有旒者衣裳皆有章上下之相應也惟大裘冕
無旒衣裳無章一命大夫之冕無旒衣裳亦無常今監祭監禮所服冕五
旒侯伯之冕也而衣無章深所不稱又色以紫壇蓋無經據故昨禮院所
議止欲從五等以下子男之服再詳監祭本於周禮祭僕之職掌祇祭祀
糾百官戒具誅其不恭者至漢史以御史監祠唐乃有監祭使之名且祭
僕中士也御史執法官也又監禮則奉常博士之職其官與品則又差降
皆所以監視察舉其不如禮者考其本末既非祠官必也正名則御史博

士爾而服用五等且非所宜況有疏無章服色非古此為失禮甚矣竊觀
國家南郊大禮太常卿止服朝服前導皇帝若亞獻終獻及壇陛獻官乃
服以祭服明太常卿非祠官而服朝服禮也又按唐開元禮朝服凡侍祠
朝享拜表大事則服之欲乞今後監祭使冠獬豸監禮冠進賢各服以侍
祠祭為得其當庶幾盛時典禮不至差謬詔不允 神宗元豐元年十一
月二日詳定郊廟禮文所言周禮弁師掌王之五冕五采縹十有二就皆
五采玉皆十有二鄭氏注謂五采緣為繩垂於延之前後各十二所謂縹
延也賈公彥曰以青赤黃白黑五色玉貫於藻繩每玉間相去一寸十二
玉則十二寸以一至為一成結之使不相并此據衮冕前後二十四旒孔
穎達曰旒長尺二寸故垂而齊肩也至後漢明帝用官衮之說乘輿服冕
係白玉珠為十二旒前垂四寸後垂三寸遂失古制國朝朝衣服令乘輿服
衮冕垂白珠十有二旒廣一尺二寸長二尺四寸蓋白珠為旒用東漢之
制而其冕廣長之度乃自唐以來率意為之無所稽考景祐中已經裁定
以叔孫通漢禮器制度為法凡冕版廣八寸長尺六寸與古制相合更不
復議今取少府監進樣如以青羅為表紅羅為裏則非弁師所謂玄冕朱
裏者也上用金稊天板四周用金絲結網兩旁用真珠花素縵之類皆不

應禮伏請改用朱組為絃玉筭玉瑱以玄紃垂瑱以五采玉貫於五色藻為旒以青赤黃白黑五色備為一玉每一玉長一寸前後二十四旒垂而齊肩孔子曰麻冕禮也今也純儉吾從衆釋者曰純絲易成故從儉今不必績麻宜表裏用繒庶協孔子所謂純儉從衆之義古者祭服朝服之裳皆前三幅後四幅殊其前後不相連屬前為陽故三幅以象奇後為陰故四幅以象偶惟深衣中單之屬連衣裳而裳復不殊前後然以六幅交解為十二幅象十二月其制作莫不有法故謂之法服自後漢晉宋後齊天子祭祀皆云前三幅後四幅今少府監乘輿衾服樣其裳乃以八幅為之不殊前後有違古義伏請改正祭服之裳以七幅為之殊其前後前三幅四以今太常周尺度之幅廣二尺二寸每幅兩旁各縫殺一寸謂之剗幅腰間群積無數裳側有純謂之緹裳下有純謂之緹緹之廣各寸半表裏合為三寸群臣祭服之裳倣此從之又詳定郊廟禮文所言禮記曰大夫冕而祭於公弁而祭於已則是臣子助祭不當朝服也又曰年數不登祭事不縣則於祭時既行吉禮不當徽樂也本朝祠祭遇雨則望祀不為違禮然而服公服不設樂則非所以奉神伏請遇雨望冕服祭服乃詔樂又曰古之君子必佩玉所以比德也右微角左宮羽先儒謂微角在右事

也民也宜勝宮羽在左君也物也宜逸此左右之異也又曰天子佩白玉而玄組綬公侯佩瑞琚而緇組綬未襦謂尊者玉色純而公侯以降則玉色漸雜此尊卑之異也佩玉之制必上繫於衡下垂三道穿以瑱珠其下之兩端則綴璜中央則綴衡牙牙居中央以為前後屬也而瑀瑀又在組之中央下與衡牙相直故曰珮有琚瑀所以納間者是也今佩上下則設三衡以銀銅獸而為之而璜又夾中衡不在下端其所謂衡牙亦異於古又上有銀鈎以屬大帶皆非古制爾雅曰佩衿謂之後郭璞以謂衣小帶謂之鈴而佩鈴則佩玉之帶上屬者也今宜為小帶以屬於革帶而不用銀鈎伏請並如古制惟天子金玉餘皆珉石恪依其色以辨諸臣之等銀鈎獸面而其制亦經伏乞除去古者祭服有佩韍無大綬小綬并玉銀銅環臣等看詳自戰國以佩非兵器韍非戰儀於是解去數佩而留其繫懸秦乃以采組連結於懸特相結受而謂之綬漢承用之又加以雙印佩刀之飾至明帝始復制佩而組織之綬亦不廢焉故韋彤五禮精義曰漢乘輿黃赤綬四采自後皆不合禮而又有大綬小綬之別臣等以謂綬者所以背綬佩三因為之飾以別尊卑故諸侯朱組綬大夫緇組綬所謂綬者如斯而已取少府監皇帝衾冕進樣有六彩緇綬小帶三上有三小環及

一品祭服則錦綬雙玉環從一品則錦綬雙銀環三品四品則皂綬雙
銅環皆非古制伏請改正古者祭服皆玄衣纁裳以象天地之色裳之飾
有藻有粉未有黼有黻今祭服上衣則以青而其繡於裳者藻及粉米皆
以五采圓花繡之而黻用深藍繡用碧與黃且虎雉共一章粉米各一章
今皆異章而畫殊非古制伏請改製古者皆以冕為祭服未有服朝服而
助祭者也周官曰公之服自衮冕而下如王之服卿大夫之服自玄冕而
而下如孤之服此助祭者服也今服章視唐尤為不備於今文祀儀有九
旒冕七旒冕五旒冕今既無冕名而有司仍不制七旒冕乃有四旒冕其
非禮尤甚又服之者不以官秩上下故分獻四品官皆服四旒冕博士御
史則冕五旒而衣紫禮太祝奉禮則服平冕而無佩玉此因循不講之失
也且古者朝祭服異服所以別事神與事君之禮今皇帝冬至及正旦御
殿服通天冠絳紗袍則百官皆服朝服乃禮之稱至親祠郊廟皇帝嚴義
冕以事神而侍祠之官止以朝服豈禮之稱哉古者齊祭且猶異冠而況
人禮之異禮朝祭之異事乎則百官雖不執事不當以朝服侍祠至於景
靈宮分獻官皆服朝服尤為失禮伏請祠郊廟景靈宮除導贊引執侍
宿衛之官且侍祠及分獻者並服祭服如所考制度修製五冕及爵弁服

各正冕弁之名禮曰天子玄冕朝日於東門之外又曰祀四望山川則毳冕祭社稷五祀則解結祭羣小祀則玄注羣小祀林澤墳衍四方百商物之屬孔穎達謂此據地之小祀以血祭社稷為中祀埋沉以下為小祀也若天之小祀則司命司中風師雨師鄭雖不言義可知矣國朝祀儀祭社稷朝日夕月風師雨師皆服衮冕其蜡禘祭先蠶五龍亦如之祭司命戶電門厲行皆服鷩冕壽星靈星司中司寒中雷馬祭皆服毳冕皆非今天子六服自鷩冕而下既不親祠廢而不用則諸臣攝事自當從王所祭之服伏請依周禮凡祀四望山川則以毳冕祭社稷五祀則以絺冕朝日夕月風師雨師司命司中則以玄冕若七祀禘祭百神先蠶五龍靈星壽星司寒馬祭蓋皆非羣小祀之比當服玄冕從之

宋會要

神宗元豐三年八月二十二日詳定郊廟奉祀禮文所言禮記曰三公一命袞則三公當服鷩冕詩曰毳衣如綦則上大夫當服毳冕周禮典命曰公之孤四命又曰王之大夫四命其衣服各視其命之數公之孤其服自絺冕而下則王之大夫當服絺冕諸侯卿大夫之服自玄冕而下則王之士當服玄冕所謂周人冕而祭也司服曰孤之服自絺冕而下卿大夫

之服自玄冕而下士之服自皮弁而下此諸侯之臣助祭服也然而不著
王朝公卿大夫之服者蓋舉下以見上可比義而知也本朝官名雖與古
不同以唐六典考之吏部尚書注曰周之天官卿也侍郎注曰周之小宰
中大夫負外郎注曰周太宰屬官上士也今約之六典泰以本朝班序伏
請資政殿大學士以上侍祠服鷩冕觀察使以上服毳冕監察御史以上
服絺冕朝官以上服玄冕選人服爵弁從之惟不用爵弁供奉官以下至
選人皆服玄冕無旒

宋會要

歲宗大觀元年七月十六日議禮局劄子竊以國家新設社稷崇奉先聖
上自京師下逮郡邑以春秋上丁社日行事然太社太學獻官視禮皆以
法服至於郡邑則用常服豈非因習已久而未知所以建明歟乞詔有司
降祭服于州郡俾凡祭祀獻官視禮各服其服如先所奏乞降付本局計
論典禮具合頒名件詔以衣服制度頒之使州郡自製與則聽其改造庶
簡而易成

宋會要

政和二年八月十五日顯謨閣待制前知襄州軍州俞惠言伏見祭祀之

服以圖冊下諸郡未有明降朝旨製造其社稷宣聖風師尚服望早賜施行從之同日尚書省議禮局言契勘大觀四年四月八日被受御筆閣所上禮書并祭服制度頗見詳盡除改正外餘依所奏修定看詳侍祠攝祭之服除五等諸侯服飾已得御筆依本司所奏乞更不製造外今具群臣免服乞依已得御筆修定附有司依圖畫及看詳製造之政和七年六月二十四日詔天下州縣歲祭社稷雷雨風師及釋奠文宣王冠服悉循其舊形制詭異在處不同可令禮制局造樣頒下轉運司令本司製造下諸州州下縣庶衣服不二以齊其民十二月二十九日提舉利州路學事林辰言竊見建按雅樂製為士服廷按之後雖大朝服用之而士服不常用今春秋兩學釋奠雖用士作樂衣服尚仍舊制臣愚欲乞春秋釋奠用士執樂陪位並服士服從之八年十一月五日知永興軍席旦奏竊聞太學辟廱士人作樂皆服士服而外路諸生尚衣襦袴欲望下有司考議藉為圖式頒賜外郡禮制局狀今欲頒上件士服之式付之諸路學校凡作樂釋奠諸生皆服其服畫到已討論士服圖樣欲乞指揮下製造所每州造樣一副頒降依樣製造從之既而製造所每州造到頭冠角簪衣裳珠佩大帶銀帶履頒下重和元年十一月二十九日詔令禮制局先自

冠服討論以聞其見服制先改用後禮制局奏履有約纁純綦請倣古制
皆隨服之色從之十二月三日編類御筆所禮制局奏今討論到履制度
下項約履上飾也纁純威也純纁也綦履帶也古者爲履各隨裳之色有
赤爲白爲黑爲今履欲用黑革爲之其約纁純綦並隨服色用之以倣古
隨裳色之意從之仍自來年正月一日改用在外自三月一日二十三日
禮制局奏履隨其服色而武臣服色一等當議差別詔文武官大夫以上
具四飾朝請郎武功郎以下去纁並稱履從義郎宣毅郎以下至將校校
衛官去纁純並稱履紹興四年五月國子監丞王普奏言臣嘗考諸經傳
具得冕服之制蓋王之三公八命鷩冕八旒衣裳七章其章各八孤卿六
命毳冕六旒衣裳五章其章各六大夫四命絺冕四旒衣裳三章其章各
四上士三命玄冕三旒中士再命玄冕二旒下士一命玄冕無旒衣皆無
章裳裁視其命數自三而下其綵至筭紃纁纁纁纁纁纁纁纁纁纁纁纁
等差近世冕服制度沿襲失真多不如古夫後方而前圓後昂而前僂玄
表而朱裏此冕之制也今則方圓僂僂幾於無辨且以青爲表而飾以金
銀矣其衣皆玄其裳皆纁裳前三而後四幅此衣裳之制也今則衣色以
青裳色以緋且以六幅而不殊矣山以章也今則以黼火以圓也今則以

說宗廟虎雉之象也乃畫虎雉之狀而不為虎雉象粉米而粉之
者也乃分為二章而以五色圓花為藉佩有衝璜琕瑀衝牙而已乃加以
雙滴而重設二衝綬以貫佩玉而已乃別為錦綬而間以雙環以玉帶無
紐約帶無肩頸為無紉總中衣無連裳臣伏請國朝會要郊廟奉祀禮文
祖宗以來未嘗講究第以舊服無有存者欽乞因茲改作是正訛謬一從
周制以合先聖之言尋禮部奏言衣服之制或因時王而為之損益
事雖變古要皆一時制作不無因革或考之先王而有繆戾者雖行之已
久不應承襲非特於改正按周官自上公服衮王之三公服鷩以至士
服玄冕凡五等唐制自一品服衮冕九旒至五品服玄冕亦五等國家承
唐之舊初有五旒之名其後去三公衮冕及緋冕但存七旒鷩冕五旒鷩
冕無旒玄冕凡三等而已衮服非公所服去之可也乃併緋冕去之自尚
書服鷩冕以至光祿丞亦服焉貴賤幾無等此皆一時制作不無因革今
合鷩鷩冕為八旒增鷩冕為六旒復置緋冕為四旒并及無旒玄冕共四
等庶幾稍合周制若冕之方圓依帑於無辨則製造之差也以青為表非
不用玄也為玄而不至者也以緋為裏非不用纁也為纁而太過者也山
止而靜者也今象其隱是得山之勢而不知其性圓而神者也今象其貌

是得火之形而不得其神也。至於宗彝粉米佩綬帶組笄屨之屬皆宜改正施行。是時諸臣奏請討論雖詳然終以承襲之久未能盡革也。驚冕八旒每旒八玉三采朱白蒼角并青纁以三色統垂之絃以紫羅屬於衣以青黑羅三章華蟲火虎雉葵裳以纁表羅裏繒七幅繡四章藻粉黼黻大車中單佩以珉貫以藥珠纁以絳錦銀環敕上紃下紃繪二章山火華帶緋羅表金塗銅裝黼黻並如舊制宰相亞終獻大禮使服之前明景靈宮太廟亞終獻明堂滌濯進玉爵酒亦如之。驚冕六玉三采衣三章繪虎雉葵藻粉米裳二章繡黼黻佩藥珠衡璜等以金塗銅帶敕繪以山革帶以金塗銅餘如驚冕六部侍郎以上服之前朝景靈宮太廟進爵酒幣官奉幣官奉幣官受爵酒官薦外官明堂受玉爵受玉幣奉獻蓬豆進飲福酒徹俎祝腥贊引亞終獻禮儀使亞終獻爵并盥洗官四員並如之前二日奏告初獻社壇九宮壇分祭初獻亞獻亦如之。希冕四玉二采朱綠衣一章繪粉米二章繡黼黻纁以皂綾銅環餘如驚冕光祿卿監御史諸母官舉冊官分獻官以上服之前明景靈宮太廟奏奉神主官明堂太府卿光祿卿沃水舉冊官諸母官押樂太常卿東朵殿三員西朵殿二員東廊二十八員西廊二十五員南廊二十七員戟門祭獻官前二日奏告亞獻

終獻官監察御史並如之社壇九宮壇分祭終獻官監察御史兵工部光祿寺卿丞亦如之立冕無旒無佩綬衣純黑無章裳刺黼而已較無刺繡餘如絺冕光祿丞奉禮郎協律郎進搏泰官太社令良醴令太官令奉俎僕等官供祠執事官內侍以下服之明堂光祿丞奉禮郎良醴令太祝搏泰官宮架協律郎登歌協律郎奉御官內侍供祠執事官武臣奉俎官較門祭奉禮郎太祝令太官令社壇九宮壇分祭太社太祝太官令奉禮郎並如之紫壇冕四旒服紫壇衣博士御史服之外州軍祭服鷩冕八旒三部初獻服之雉冕六旒經畧安撫鈐轄初獻服之希冕四旒經畧安撫鈐轄亞獻服之節鎮防團軍士初獻亦如之立冕無旒節鎮防團軍事亞終獻服之

宋會要

高宗紹興十六年四月四日上謂輔臣曰比降下祭服更令禮官考古便可依式製造庶將來奉祀不闕今檢詳郊祀錄皇帝祀天地仲祇則服大裘冕按三禮義宗云祭天所以用大裘者是羊羔裘也黑者象天色立大者擬覆廣垂下故服大裘以祀天也冕者勉也所以勉人為高行凡六冕之服皆立上纁下冕既大同無以為別故不謂冕為服但取畫章之異以

為立名故用服名冕一六冕之旒數若大裘冕即無旒若衮冕天子十有二旒前後運延上公即九旒每旒五采就為之每一寸安一玉玉皆五色先朱白蒼黃玄諸侯即三采夏商朱綠皆周而復始十二旒旒各一尺二寸用玉二百八十八若上公九旒用玉百六十二今視旒玉純用一色其數不與昔同是二失也今檢詳凡享廟謁廟及遣上將征還飲至則服衮冕按衮冕而下服名冕者皆是畫衣章之首衮冕所以祭先王者為服以龍為首龍德神異應時潛見象王者有神異之德也其冕垂白珠十有二旒以組為色如其級玉藻云天子玉藻十有二旒前後運延龍衮以祭鄭玄云冕之旒以藻紉貫玉為飾因以名也十有二就每一就貫一玉就間相去一寸則旒長尺二寸垂齊肩也五采者依射侯之次從上而下初以朱次以白次以蒼次以黃次以玄以五采正既貫編周而復始此並周制也至漢明帝用曹褒之說皆用白旒珠與古異也魏文帝好婦人飾改珊瑚珠至晉江左又改漢制今用白珠之制自漢始焉大戴禮曰冕而加旒以蔽明也隋牛宏云請以采綴貫珠為旒後只言采不言五采周禮衮冕九章升龍於山升火於宗彝以五章畫於衣一曰龍二曰山三曰華蟲四曰火五曰宗彝今衣上不見宗彝又刺一藻文也下四章繡於裳上六

曰藻七曰粉米八曰黼九曰黻今又無藻文餘有三章亦不締繡是三失也今檢詳義纂云周禮衮冕九章尚龍置於山上謂之龍衮鄭玄謂衮者卷也龍能變化舒卷因以名焉以五采綵紉貫玉前後各十二旒用玉二百八十八也秦除古制皆服衮玄漢明帝始采舊法繫白玉珠為旒以組為綬鞋纁塞耳玄衣纁裳十二章白日月星辰山龍華蟲火宗彝八章畫之於衣藻粉米黼黻四章繡之於裳織成為之襟領皆升龍馬唐制白紗為中衣以黼為領馬如金飾入廟踐祚加元服納后元日受朝及臨軒冊拜公王則服之是承漢禮也又周禮天子衮冕十有二旒十有二就就貫一玉就間相去一寸則旒長尺二寸各用十二玉也又按郊禮錄云其服玄衣纁裳十二章安易云黃帝堯舜垂衣裳而天下治蓋取諸乾坤韓康伯注云上衣下裳取乾坤之象有上下也釋名上服曰衣衣者依也下服曰裳裳者障也所以障蔽也夫衣用玄者象天色也裳用纁者法地色也不法蒼黃之色者凡衣服悉明其身有章彩文物以蒼黃太質故用玄纁耳纁者是朱之小別故周禮鍾氏云三八為纁鄭注士冠禮云朱則四入是與纁同類也十二章者法天之大數虞帝之服也聖朝之制法舜服也日月星辰山龍華蟲火宗彝此八章在衣藻粉米黼黻此四章在裳裳衣

標領為升龍皆織成為之按三禮義宗曰日月星辰三章直畫作其形欲明王者有光顯之功垂於下土山亦畫山形取其能興雲雨膏潤萬物象王者之澤沾於下也龍亦畫龍形取其變化無方或潛或見通顯王者之德卷舒有時應機布道華蟲者畫作鸞雉之體有文飾故謂之華象其雉身被五色有炳蔚之姿似王者體合五常兼文明之性宗彙者畫虎雉于宗廟之器為飾因而名之象虎雉以剛猛制物王者亦以威武定亂也藻畫其形藻逐水上下似王者之德日新也大粉米亦直畫其形粉潔白故以名之米者人恃之以生王者亦物之所賴以理也黼畫斧形象王者能斷割臨事能決之也黻者兩已相背明民見善改過也此皆聖人法象之意周則畫九章又登龍於山登火于宗彙尊其神明政也按古禮皆衣畫裳繡法陰陽之義衣數則奇裳數則偶今聖朝制令上八下四皆以偶而言又王服白袞冕以下皆織成而為之是王者相變也龍山以下每章一行重以為等每行十二按禮圖凡章文參錯滿衣裳而已不拘其數崔靈恩云各畫十二亦取則大之大數一鸞冕七章畫三章於衣繡四章於裳冕冕五章畫三章於衣繡二章于裳絲冕上下皆繡黻而已今等級不同是四失也又檢詳郊祀云鸞冕八旒其服七章華蟲火宗彙此三章在衣藻

粉米黼黻此四章在裳按三禮義宗云雉言鷩者以為禽鳥體卑義不足
取故文采章著者以為稱也祭先公者鷩冕以雉為首雉有專介之志象
先公有賢才能守節度也故左傳云聖達節次守節餘同衮冕雉七旒其
服五章宗彙藻粉米三章在衣黼黻二章在裳按三禮義宗云凡章服之
中惟有龍雉虎雉並是禽獸龍能變化其體可尊故不隱其名鷩及虎雉
顯其體卑故沒其正體所以龍雉各自為章者龍為神化雉為文明神化
文明理皆是陽虎雉山林之獸義皆是陰故龍雉各一而成章虎雉合兩
而為體故於陰陽之義也以鷩冕祭四望者四望是五岳四瀆之神虎雉
是山林所生故服以明象也然周禮之祭服止於六冕所祭之神其類甚
多但使理通便皆同用虎雉非水物山川氣通故俱用鷩冕明有同氣之
理餘同鷩冕繡冕六旒其服三章粉米一章在衣黼黻二章在裳按三禮
義宗云粉米一章判於衣黼黻二章繡于裳也祭社稷五祀者繡冕以粉
米為首社稷者土穀之神此米由之而成故服之以象其功也五祀者古
之五宮之神能平五官之政皆有水土之功故亦同服也所以獨衣刺者
凡畫績之法以象色而成一色則不足以成畫故宜直刺而已又此服是
臣服之首不畫衣以下於君是無陽之義也今皆織成焉是名存而制異

也餘同衽見五疏其衣無章唯裳刺黼一章按三禮義宗云祭群小祀本
百物之神其形難可徧擬故但取兩已相背以明其異餘同繡見一釋
未依制度按玉藻云下廣二尺上廣一尺又明堂云有虞氏之數夏后氏
以山商人以火周人以龍章注云天子備焉諸侯火而下卿大夫以山士
韎韐而已今別畫粉米繡黻是五失也今檢詳義纂釋與黻何殊禮云韐
君朱大夫素士爵韐上廣一尺下廣二尺長三尺其頸五寸肩革帶博二
寸注頸中央肩兩角皆上接革帶以繫之肩與革帶其廣周矣皆執事者
黼其裳前示恭謹也於朝服謂之韐於冕服謂之蔽膝朝祭異名其實一
也又按五禮精義問蔽膝對曰皆從裳色三品已上山火二章四品一章
五品無章玉藻云韐君朱大夫素士爵韐鄭玄云此玄端服之韐也釋象
裳色則天子諸侯玄端朱裳大夫素裳惟士玄裳黃裳雜裳也若祭服皆
玄上纁下故云一命纁數再命已上未數也又大帶制度玉藻云天子素
帶朱裏終辟諸侯素帶終辟大夫素帶率下辟今觀等級不當是六失也
今檢詳義纂云大帶何施禮云天子素帶朱裏終辟細約用組鄭玄云禪
綠飾也以素為帶以朱為裏統其外者上以朱下以綠則帶身在腰及垂
皆飾之是以謂之終禪其制博四寸組帶之交結處也約結其帶也執事

者以黼黻裳前示恭謹之道天子之黼以半且方四角無圓殺上濶一尺
象天下濶二尺象地數二也長三尺象三才也唐禮以繒為之朱質畫龍
山火三章為飾以備三代之法也請按古今沿革收行改正諸付有司依
坦并禮院檢討名件制度改正務合先王禮意

宋會要 公服

公服唐制謂之常服色同袴褶曲領垂胡加襴折上中今常服之太宗雍熙初郊祀慶成始許升朝官服緋綠二十年者叙賜緋紫真宗登極京朝官亦聽叙後東封西祀赦書京朝官並以十五年為限仁宗英宗神宗登極亦如例其特恩賜紫衣犀帶緋衣塗金寶鈔帶太宗太平興國二年二月三日詔朝官出知節鎮及轉運使副衣緋綠者並借紫知防禦團練刺史州衣綠者借緋衣緋者借紫其為通判知軍監止借緋後江淮發運使同轉運提點刑獄同知刺史州七年正月九日翰林學士承旨李昉言準詔定章服制度禮部式三品已上服紫五品已上服朱七品已上服綠九品已上服青流外官及庶人並衣黃泰詳除服青服黃久已寢廢自今流外官及貢舉人庶人許通服皂衣白袍從之真宗景德三年六月十三日詔內諸司使以下出入內庭不得服皂衣違者論其罪內職亦許服窄袍仁宗明道二年十月九日詔審刑院詳議官省府推判官有牧判官舊例合賜緋者造謝日閤門取旨景祐元年六月十二日詔軍使曾任通判者借緋曾任知州者借紫慶歷元年二月二十八日龍圖閣直學士任布言欲望自今贈官至正郎者其畫像許服緋至卿監許服紫從之七年五月

十一日侍御史吳鼎臣言武班及諸執司人吏曾因親喪出入禁門甚有
褻素紗幘頭者殊失肅下尊上之體欲乞文武兩班除以官品起復許褻
素紗外其餘臣僚并諸職司人吏雖有親喪服未除並須先紗加首不得
更褻素紗詔送太常禮院而禮官言準令文凶服不入公門其遭喪被起
在朝參處常服各依品服惟色以淺無金玉飾在家者依其服制其被起
者及暮喪以下居式假者衣冠朝集皆聽不預令為臣所奏有礙今文詔
依所定如遇筵宴其服淺色素紗人吏不令祇應嘉祐三年三月十三日
詔自後知雜御史衣綠者告謝日閤門取旨紹興五年閏二月十九日右
奉議郎葛興時言切見去歲九月明堂恩宣教郎以下父母年九十以上
與官封興時父世長年九十五先已叙封宣教郎致仕乞將前項恩上與
父改換五品服色特從之紹興三十二年孝宗己卯位未元六月十三
日敕應承務郎以上服綠服緋及十五年並與改轉服色二十九日詔今
後無出身人自年二十依今出官服綠日起理服緋人亦自年二十服緋
日起理有出身人自賜出身人起理內除路丁憂年月日不理外歷任無
賊濫私罪至徒過犯至赦前及十五年依敕改轉施行殿中侍御史張震
奏今日之弊在于人有僥倖之心能革其俗而後天下可治且改轉服色

常故自陞朝官已上服綠大夫以上服緋准事及二十年方得改賜今故
 自承務郎以上服綠服緋及十五年便與改轉比之常故不惟年限已減
 而又官品相絕蓋已為異恩矣今竊聞省部欲自補官日使理歲月即是
 嬰孫授命年纔十五者今遂服緋而貴近之子或初年賜緋年纔及冠者
 今遂賜紫朱紫紛然不亦濫乎竊聞靖康建炎恩赦亦不曾以補官日為
 始若始於出官之日願為折衷蓋比之准事所減已多而比之初補粗為
 有節乞下吏部部叅酌施行禮部看詳奏聞故有是命隆興二年六月十
 八日詔少傅保康軍節度使充醴泉觀使大軍郡王吳益依章淵例賜花
 羅公服許服著赴赴朝叅乾道四年正月十一日詔太學上舍生黃倫釋
 褐特與補左承務郎依唱名例給賜袍笏於國子監教化堂祇受自後釋
 褐並如之 九年十二月十名詔太學上舍鄭鑑釋褐補左承務郎候太
 學錄有闕日取旨差下祇候庫依唱名例給賜袍笏令於國子監教化堂
 祇受以上乾道會要乾道四年十二月十三日詔大尉保信軍節度使充萬
 壽觀使鄭藻賜花羅公服許令著赴朝叅 嘉祐三年詔三品轉使使朝
 辭上殿日與賜章服詣路轉運使候及十年即與賜章服徽宗重和元年
 詔禮制局自冠服討論以聞其見服釋先改用履禮制局奏復有鈎總純

恭古者爲履各隨裳之色有赤爲白爲黑爲今履欲用黑革爲之其約纁
純纁並隨服色用之以倣古隨裳色之意詔以明年正旦改用禮制局又
言履隨其服色武臣服色一等當設差別詔文武官大夫以上具四飾朝
請郎武功郎以下去纁並稱履從義郎宣敕郎以下至將校伎術官去纁
純並稱履當時議者以鞞不常用之中國實廢釋氏之漸云中興仍元豐
之制四品以上紫六品以上緋九品以上綠服緋紫者必佩魚謂之章服
非官至本品不以假人若官卑而職高則特許者有三自庶官遷六部侍
郎自庶官爲待制或出爲奉使者是也又有以年勞而賜者有品未及而
借者升朝官服綠大夫以上服緋蓋事至今日以前及二十年歷任無過
者許磨勘改授章服此賜者也或爲通判者許借緋爲知州監司者許借
紫任滿還朝仍服本品此借者也又有出于恩賜者馬紹興十二年九月
以皇太后回鑾詔承務郎以上服緋綠莅事至今日以前十七年者並改
轉服色

宋會要章服

嘉祐三年十二月十一日詔今後三路轉運使朝辭上殿日與賜章服諸路轉運使候及十年即與賜章服 神宗元豐五年四月二十七日詔六曹尚書依翰林學士例六曹侍郎給事中依直學士例朝謝日不以行守試並賜服佩魚罷職除他官日不帶行 高宗建炎元年七月二十八日詔借道直郎直龍圖閣河北西路招撫使張所上殿賜章服違行四年六月三十日詔自庶官除侍郎如遇服緋綠依待制告謝日改賜章服 紹興五年三月十七日左通直郎周葵言乞將減三年磨勘恩例回授文祿章服特從之自後內外官條或以所得減磨勘無恩賞或實歷磨勘或轉

一官及郊恩合改服色乞回授父改章服者皆特從其請六年八月五日詔三司諫陳公輔論奏深得諫臣之體可賜紫章服七年二月十六日詔范直方差充川陝宣諭特與賜紫章服二十九日詔比引封知無錫縣李德鄰訪以民間疾苦頗見留心可賜緋章服九年二月十三日詔方庭實差充三京淮北宣諭依轉運使例借紫章服回日依舊八月十三日詔權四川宣撫使司計議軍事賈暉賜紫章服以暉在任被檄赴行在稟議引對特賜之十二年九月十三日以太母回鑾赦應承務郎以上服綠服緋准事至今日已前及十七年無職濫若私罪徒以上情理稍輕者並與改轉服色十三年四月十八日吏部言承務郎以上遇赦改過章服近有元係武臣後因試換文資并特恩換授文資者內自使臣濫事以後至換文資以前歷過月日即未曾申明許如何收使緣自來使臣換官者遇陳乞奏薦係以兩日比當一日至換授文資上再理年限道理止為奏薦今承務郎以上陳乞服色欲依奏薦已得指揮施行從之二十八年十二月二十七日詔吳樞特與轉承議郎除軍器監丞仍賜紫章服錄樞父之功故有是命隆興元年十一月七日詔右承務郎直秘閣江淮都督府主管書寫機宜文字張拭特賜紫章服二年三月二日詔右通直郎兩浙西路安

撫司准備差遣充奉使通問國信審議官胡昉賜緋章服二十三日詔若
承事郎利州西路安撫司主管機宜文字吳拱賜紫章服九月二十一日
詔右宣義郎權通判階州吳懋特與轉右朝奉郎賜紫章服除太府寺丞
乾道二年十一月十五日詔諸王宮大小學教授胡百能特賜章服以供
職一考年老乞致仕也三年四月十八日詔右朝散大夫充秘閣修撰權
發遣臨安府王炎特賜章服閏七月二十七日詔右中奉大夫直龍圖閣
兩浙計度轉運副使姜詵賜紫章服十月二十三日詔右朝請郎直秘閣
兩浙東路提點刑獄公事張津已奉太上皇聖旨賜金帶特賜紫章服十
一月二日大禮赦應見任并致仕陞朝官服綠大夫以上服緋准事至今
日以前及二十年歷任無職蓋若私罪徒以上情理稍輕者並許於所屬
投狀磨勘改賜章服十四日詔右朝請大夫直龍圖閣權發遣臨安府周
深賜紫章服十二月七日詔右通直郎直敷文閣權發遣和州主管淮南
路安撫司公事胡昉特賜紫章服四年二月十四日詔右承議郎直秘閣
韋璞特賜紫章服十二月六日詔恭奉太上皇帝聖旨秀王夫人長孫師
茂特賜紫章服六年十月十一日詔右朝散大夫直顯謨閣權發遣臨安
府姚憲賜紫章服 淳熙元年十二月十七日慶壽故應見任并致仕陞

朝官服綠大夫以上服緋及十年該今赦日年及七十以上並改賜章服

十年太王皇太后慶壽同十一年慶壽赦日年八十並赦仕官大夫以上服

赤及十年並與改賜四年二月五日詔國子祭酒林光朝賜紫章服以

駕幸大學先朝集禮記中尚篇故有是賜五年九月十三日詔秘書監陳

駿少監鄭丙並賜紫章服以車駕幸石特賜七年三月二十八日詔敦大

閣直學士韓彥直特令佩魚十年十月十六日詔權侍郎以上罷任不帶

職名許服紅鞋排方黑犀帶仍佩魚十一月二日詔朝奉郎任紳賜紫章

服以湖州徐奏紳自任安州通判不磨勘三十餘年先同封經兵大臨唐

中奉母鄭侍奏十七年母死廢差孝行顯著故有是命十二年十一月二

十八日詔承議郎張宗尹可特與賜章服以宗尹原恩平郡王長女大特

有是賜十五年六月十八日詔直秘閣特添差兩浙轉運司主管文字賜

鮮魚袋吳琯改賜紫章服以琯係皇太后親姪特有是賜淳熙十六年二

月四日登極赦承務郎以上服綠服緋及十五年並與改轉紹熙二年八

月八日詔知漳州趙善俊特賜紫章服以善俊招軍數足特轉一官更減

二年磨勘為限正法故有是賜十一月二十七日南郊赦見任並致仕陞

朝官服綠大夫以上服緋及二十年並改賜章服三年七月二十四日詔

通直郎直秘閣特添差兩浙轉運司主管文字釐務吳錡特與賜紫章服
以符係壽聖皇太后親姪故有是賜五年正月一日慶壽赦文臣致仕
官朝奉大夫八十以上與賜紫章服京朝官年八十以上服綠服緋各及
十年與改賜章服嘉定十三年十月五詔准東制置副使賈涉可特賜紫
章服仍賜金腰帶一條許令服紫